

Perspectiua.

In schön nützlich büchlin vnd
Vnderweisung der kunst des Messens / mit dem Zur
Ziel / Richtscheidt oder Lintal. Zu nutz allen kunstliebhabern / sürnemlich den
Malern / Bildhawern / Goldschmiden / Seidensücker / Steynmetchen /
Schreimern / auch allen andern / so sich der kunst des Messens (Per-
spectiua zu latein genant) zu gebrauchhen lust haben. Darin man
auch solche kunst leichter / dan auß etlichen hienorgetruck-
ten büchern / begreifen vnd lernen mag / mit viel schö-
nen darzu dienenden figuren.





1877

THE UNIVERSITY OF CHICAGO



Zu dem Leser.

DES Jars Fünffzehnhundert / Fünffundzwenzig hat weilund Albrecht Dürer zu Nürnberg / cyn weitebrümbter / kunstreicher Maler / im druck verordnet außzugeben / zwey Büchlein / cyns in seinem begriff / anzudeygen die kunst vnd vnderweisung der messung mit dem zirkel vñ richtscheide / das ander die Proportz menschlicher Bild / das sie recht vnd wolgestalt gemalt oder kunst gemacht werden sollen / zu nutz allen künstliebhabenden. Wiewol nun dieselben für die / so cyns grossen verstands / villeicht dienlich / auch deßhalb vnuerächtlich / daß je gewelter Albrecht Dürer / dieser kunst nit alleyn verstands genug / sunder ganz gewissen gebrauch gehabt / als dß seine gemälde vñ kunst stück die er gemacht / beweisen. Jedoch als söliche zwey Bücher / an etliche die ser kunst auch bericht / gelangt / haben sie sich nit wol darauß verricht end gen / auch jung anhebende künstner / so sich auß den angezeygte Büchern zu lernē beflissen / schwerlich ichts darauß erholen oder einphahen mögen / vñ also zuachten / es sei so überkünstlich vnd vnbegreiflich gemacht / das es alleyn den hochuerstendigen dienlich. Darumb eyner / welcher die kunst des messens / malens vnd was darauß volgen mag (zu Latein Perspectiua genannt) hieuo: zum theyl auch gelernt / vñ volgends durch tägliche übung gründet / sich vndernommen / zu nutz vnd gut allen künstnern vñ künstliebhabenden / fürnemlich den Malern / Bildhawern / Goldschmidten / Seidenstickern / Steynmeßern / Schreibern / etcet. vñ welche mit dem zirkel / richtscheide oder linial vngchen / die kunst Perspectiua / schlechter vñ begreiflicher / dann Dürers Bücher außweisen / anzudeygen / end mir Hieronimo Rodlern Fürslichem Secretario zu Siemern / dieselbig meynung in cynem geschriebnen Büchlin zugestelt hat / das ich ferrer als cyn der dieser kunst besunder liebhaber / allen andern vñ sunderlich dem künstner so es gemacht / zu dienst vnd gefallen / gleich mit den worten / wie es mir zukommen indruck bracht / gutter hoffnung / es sollen die jungē kunstbegirigen / so darauß zu lernē fürnemē / behendern vñ statlichern grund (daß auß des Dürers Büchlin) leichtlich vñ mit kleynner mühe begreifsen / auch die meynung dieser kunst / vñ cyn jeder kunstliebhabender / solch mein Büchlin neben Dürers vnuerächtlich in guttem annehmen / das bin ich zu verdienē alle zeit willig.

Das Erst Capitel vnd inngang

diß büchs/ von der kunst Perspectiua/ vnnnd

was das für cynkunst sei.

Anfang Ob jemand der dieser kunst vntwissendt/ derselben gern bericht vñ verstant haben wölbt/ was es für cynkunst sei/ vnd woher sie kome/ der merck diese meynung: Perspectiua die kunst/ nimpt ihren vrsprung auß dem gesicht/ dann Perspicere/ heysst vff teutsch/ durchsehen/ oder hefftig sehen/ wann diese kunst Perspectiua/ muß erslich mit den dieffstien gedanken (ehe der mensch deren vol vnd begreiflich wird) ergründt werden. Welcher nun dieß gedencet/ der sihet auch scharpff/ daruñ diese kunst billich den namen/ Perspectiua/ erschöpfft. Damit auch du lesender nicht gedencet/ als solt es erdicht sein/ daß diese kunst erslich auß dem hefftigen sehen/ sonder verמעynst villeicht alleyn auß speculation vñ scherpff der sinne/ erfunden sei/ so will ich dir diesen bericht geben: Gehe in cyn grosse kirch/ die mit seulen vnd hohen fenstern (wie in Stetten gwonlich) gedirt vnd gemacht ist/ stell deinen ruck an die mitte der hindersten wand/ lere deing Gesicht (als still stichende) vbersich/ so wirdt dich selbs beducken (wie wol alle kragsteyn vñ fenster/ inn cynner höhe gemawert sindt) als ob die seulen vnd kragsteyn/ bei dir am höchsten/ vnd sich von seulen zu seulen/ inn die verre hinweg/ sendtend. Auch die plätz zwischen den seulen (so du verrer sihest) sich je lenger je mer verlieren thün: Desß gleichen mit dem pflaster oder pauiment vff der erden/ daß solches/ am nächstn bei dir/ breyt/ vnd je verrer du sihest/ inn die lenge/ stracks hinauß/ schmäler vnd kleyner von steynen sei/ vnd sich gleich cynem diechter verliere. Wiltu aber den seiten puncten ergründen/ ob dē zu gleicher weise wie jetz gemeldt/ auch also sei: So stell dich (wann two zeil oder ordnung seulen inn der kirchen seindt) in die mitte ander hinderst wand/ zu dem cynen theyl der seulen/ vnd so nit mer dann cyn ordnung seulen inn der kirchen ist/ vngeuerlich vff fünff oder sechs schritte nahend bei die cyn seiten wandt/ so wirdt dich beducken/ die cyn wandt werd oder sei lenger dan die ander/ so doch der meyster/ der sie gemauret/ theyne lenger dan die ander gemacht hat. Also spuch ich billich/ daß diese kunst auß dem ergrüntlichen gesicht/ ihren vrsprung vnd namen erschöpfft.

Auch seindt etliche / die sie Speculatiuum
nennen / vnd das zu vrsach nemen: So cyn
Spiegel auff cynendisch oder bandt gelegt/
vnd auff sein mitte cynmesser mit der spizen
gestellt wirdt / gibt cyn anzeig / wie diese fi
gur hiebei außweiset / vnd darumb / von we
gen des messers also daruff gestellt / vnd sei
nes schattens im Spiegel / vnden beider spize
zusamen komens / sich bei dem stiel übersich
erhebend / also dieser kunst vergleichet / sie
speculatiuum genent. Ich gib aber der er
sten meynung des vrsprungs bessern glau
ben:



Dann wiewol diese kunst / Perspectiua / bei den alten malern vnd künst
nern / vnbeläntlich vñ vnwissend war / so haben sie doch / durch fleissig übüg
vñnd auffsummug des augenmess / der mer beinelten kunst (aber gar nitt die
scherpff ihrer gerechtigkeit gebrauchten) fast nahe hinbei geschoben / welchs
mitt mühe vnd nit so geringlich / als diese kunst an ihr selbst gibt / zügangen.
Nun istis jedie warheit / wer sich in Malen / Bild vnd Steinhawen / Etie
ken / auch in Silber / gold oder kupffer stechen / dieser kunst beflisset / der mag
damit vil mer schöner ding / dann auß eygnen sinnen vnd dem augenmess /
zürwegen bringen. Wiewol es auch die übung in die harr dahin bringt / das
die rechten künstner / den puncten etwo zürück stellen / vñnd auß voller be
greiffung vnd in bildnus dieser kunst / dem augenmess nach / gerechte propor
tionirte gehäuse zubeiten machen / muß aber dannoch der anfang (ehe die
volkommenheit erlangt wirdt) erslich auß dem puncten regiert werden / vñ
man ist auch der sachen dester gewisser.

Das ander Capittel zeygt an inn wteucl thcyl diese kunst hierinn auß gethenlt ist.

Wen haben wir verstanden / was die kunnst Perspecti
ua inn ihu selbst ist / so ist nun weiter zuuernemen / wie die inn diesem
büch wirdt gethenlt inn siebenerley wege. Zum ersten / wie man die
auffrechten / hangenden / zwerch / übersichgeenden / vñnd creuz Entien
(welche ich vmb des gemeinen handtwercks manns willen / der des latins
vnuerstendig / also genant / nachdē ich die latinsche wörter / in vorigen per
A iij


speciuiſchen büchern/ den vngelernten künſtern/ gar wenig dienlich/ oder verſtandt zubringen/ ſunder ehe ſie dan der kunſt wiſſend gemacht/ geſehen/ brauchen/ vnd die meinung dauon eynſältig/ im gütem teutſchen verſtehn/ ſoll vnd möge. Zum andern/ wie man das Pauiment oder pflaſter/ in eyn vierckel geheuſe formiren ſoll. Zum dritten/ wie man etwo im gemälde/ eyn ſeyten des pflaſters verkürzen/ vnd die andere erlengen ſoll/ doch daß ſolchs alles im ſeiner gerechtigkeit bleibe. Zum vierdten/ wie man etwo zween puncten brauchen ſoll/ vnd warzu ſolche dienlich ſeindt. Zum fünfften/ wie man Landſchafft in den puncten richten ſoll. Zum ſechſten/ wie man die Stende der menſchen/ auch Antlitz oder angeſichter/ auß dem ſeyten pauiment oder pflaſter (welchs man auch auß der quadratur nennet) richten ſoll/ dann was im vier theil getheylet/ wirdt quadratur genandt. Zum Siebenden/ wie man ein Bild oder Landſchafft/ ſo klein iſt/ in eyn gröſſere form bringen mag/ alſo daß alle ding zuſammen könen/ es ſei von ſtandt vnd begreide des Bildes/ oder aller gelegenheit der Landſchafft/ von Bergen/ Schlöſſern oder Thälern/ wie es im kleynen muſter/ darauß du maleſt/ vor dir ſteht/ vnd nit deſtiminder/ dann hie/ da vnd ort/ anſehen magſt zumalen/ doch alle ding ſich gerecht zuſamen fügen/ vnd diß iſt das verborgenſt vnd ſubtiliſt ſtück vnder allem malwerck.

Das dritt Capittel von den puncten.

Hernach müſſu am erſten vnd fürnemſten wiſſen/ waß vom puncten in dieſem buch geredt wirdet/ was das ſei: Nemlich iſt Punctus/ eyn ſtiplin alſo. welches ſo eyn Maler/ Bildhawer/ Steynmetz/ oder Seidenſticher/ eyn geheuſſ reiſſen oder cutwerffen wil/ in die mitte des geheuſes/ oder vff ein ſeit/ ſeins gefallen (darnach er das geheuſe gegeneſichtig/ in eyn gerechte quadratur/ oder ablengeicht nach dem ſeyten puncten richten wil) ſtellen mag/ vnd diß ſoll mit linden ſolen gemacht ſein/ damit man inen abthun vnd auſleſchen möge/ vnd nit ein jeder ſche/ wie der gebrauchet worden. Zu dieſem einigen puncten. ſollen alle Thüren/ Fenſter/ Kragſtein/ Schorſtein oder ſchlöß/ Tiſch/ Stül/ Bencel/ Läden/ Balden/ Capitel/ Poſtament oder Pedestal vnden an ſculen vnd Pauiment/ was die ſeit vnd fläche in ihm hat/ gericht werden/ es were dann (wie hernach in etlichen orten gemeldet wird) das man etwo zween puncten braucht.

Das Vierd Capittel / von den
Blindlinien oder strichen.

Alle die werden Blindlinien oder strich genent/
welche man mit linden költen oder blei verzeichnet (die an etli-
chen enden hierin / vmb merer verstandts willen mit roter farb angezeig-
t sind) vnd die reychen von formen an bis zum puncten / gehn vnder sich vnn-
dersich. Als wann du fenster in ein wandt malen wilt / sonnst die höhe der
negsten fenster bei dir / vnd thū ein lini strich bis zum puncten / oder da die ge-
gensichtig innerst wandt erwindet / vnn darnach mach aber ein lini strich /
gleich vnder dem ersten / in der breite wie dick du das obertheil der fensteren
anzeigen oder haben wilt / auch bis zum puncten zu. Darnach thū noch ein
lini strich vnder den beiden / so ferr von den ersten zweien / als lang du die fen-
ster haben wilt sie herab reychen sollen / vnd wann du zu negst bei dem punc-
ten oder in der mitte der wandt / fenster machen wilt / so sollen sie allemal an
den obersten vnd vndersten lini strich reychen / dann so verlieren sich die fen-
ster je lenger je mer zum puncten zu / vnd nach breite der wandt / gerecht vnd
proportionirlich. Vnd wodie fenster (als in den Stüben / Sälen / Kammern
vnd Kirchen) so lang reychten / das die bild in dem geheuse / ein halb bilds
hoch / über die vnderste lini langten / so sol man vnden eben als wol die dicke
der mawren / durch noch ein lini / zunechst über der vndersten / in der breite /
wie du die dicke anzeigen wilt / reißen / vnn durch auß wie die ersten / gehen
lassen. Dieser lere soltu dich auch halten mit den Ceulen vnn Thüren /
auch Schencken oder behältern vnd was die seit an jm hat / wie diese figur /
zunechst hernach gestellt / dessen clarer anzeige gibt. Darnach so die fenster
an die ort du sie haben wilt / außgerißen sindt / so thū die vorangezeigten lini-
en auß / das man sie nit mer sehe / vnn darumb so werden sie blind strich o-
der blindlinien genant / vnd alle diese linien / sie seien vffrecht / hangend / über
sich gehend / oder zwerch / so nit sollen bleiben stehn / sonder nur zur ab-
theilung vnd abmessung der höhe vnn langedienend / des-
gleichen die creuzlinien in Paurimenten / werden blind
linien oder blind strich genant.



Das Fünfft Capittel/wie man Pauiment oder Pflaster machen sol.


In so du eyn Pauiment oder Pflaster (das inn ein rechte quadratur oder vierung kommen sol) machen wilt/ so miß ab mit einẽ kreisel/die mitte der sonnen oder papiers/ daruff du malen wilt/dahin mach eyn siplin/darnach nim eyn linial oder richtscheide/setz dñ off den puncten/vñ darnach off dñ vnderst ort/ mit linde kolen/

tolen/ zugleichweise thū vff der andern seitten auch/ sehwirt eyn Triangel
 darauß/ wie hie vnder verzeichnet sieht/ darnach so thū eynen vberzwerch
 en riß oder zwerch lini/ also dieß du das pflaster hinein haben wilt/ wiltu
 es kurz bei dir haben/ so thū den zwerch riß inn den halben Triangel/ wiltu
 aber eyn dießes geheuß haben/ so laß es wie das muster anzeiget/ wann es
 ähnlich proportionierlich geordnet ist.



So des Paviments Triangel also gemacht ist/ mit set-
 nem vberzwerchen strich/ wie hie vnder gemelt worden/ so mußt du
 das negst theil, oder das vnder theil bei dir an der formen/ mit eynem zir-
 ckel auß messen/ vnd abtheilen/ das es gerad riß oder liniem gewinnet/
 als/ 8/10/12/ oder/ 14/ also.


So werden die mittlen plätz der steyn/ zwischen den liniem vngerad/ dar-
 nach seß dem richtscheidt vff den puncten (das ist oben die spitz am Tri-
 angel) vnd vff der abgetheilten stiplin eyns/ so du zu den steynen abgetheilt
 hast/ thū eynen strich biß zum obern vberzwerchen strich oder lini der in-
 sten diese des geheuses/ laß das richtscheidt für vnd für oben inn des Tri-
 angels spitzen (das ist vff dem puncten) sichu/ far von stiplin zu stiplin her-
 inn/ biß du keyn stiplin mehr hast/ so wirt es wie das nachuolgend muster
 anzeigt/ vnd ist ein gerecht gewiß ding/ welchs man sunst von freier handt
 nit also treffen kan.



Bauiments Triangel/ so der gemacht ist wie jetz gemelt
 wiltu es dan zu eynem gebitterten bodem haben/so darffstu nichts
 mehr/ dann anzeygen die negel der bretter / so ist das gnug. Wiltu aber
 fürfaren/ vnd eyn steynicht pflaster haben/so nim dein richtscheidt/ setz es
 vnden vff das recht oder linck ort/ oder seit/ wie dir geliebt/ vnd far hinuff
 so ferr dich güeduncket / vnd ruck denselben halben creutzstrich so hoch vnd
 nider / nach dem du die steyn breyt oder schmal haben wilt/ dann je neher
 du mit dem halben oder ganzẽ creutzstrich hinuff ferst/ je breytter die steyn/
 vnd vnformlicher sie werden/ wann dieser creutzstrich oder creutzlini/ bringe
 die verlickerung der steyn/ wie sie sich nach rechter art/ je dieffer sie in gehẽu
 stehn / je lenger je mehr verlieren oder verkleynern sollen.

Spter aber / damit du eygentlichen bericht dieser meyn-
 ung / was mich zum besten bedummet / emphahest/ so rathe ich dir
 nachgestellter massen/ diesen halben creutzstrich thũ mit linden kolen/ damit
 er außgethan mög werden: Nũm darnach eynen drekel/ vnd nũm die
 maß vnd weite von dem vndersten ort / da du den halben creutzstrich ange-
 fangen hast zumachen / biß das du oben erwunden bist/ also hoch far an
 andern ort/ auß dem vndersten eck mit eyn creutzstrich auch hinuff/ so wirt
 in der mitte eyn leigends Andreß creutz/ vñ vonden creutzstrichen/ du oben

erwunden bist/ far wider übersich hinuff/ biß an den überzwerchen strich in
 Triangel/ solang biß dich dunckt/ das Andres creuz werde nach seiner
 größe eben als legerhafft wie das erste/ so kumpt es wie hienach-
 getruet ist. Du müst auch fleiß vnd acht haben/ das du
 mit den ersten creuzlinien/ so erslich übereinander
 gehu so hoch farest/ das nit nich dan das drit-
 theyl des Triangels oder pflasters/ zum
 obern creuzstrich oder lini über-
 bleibe/ so stehts wie volgt.




Also merck nun/ wann alle diese drei formen hievor
 angezeigt/ in eynander vñ zusamen bracht sindt/ wo dan die
 dwo creuzlinien/ die oben herab gehndē/ oder übersich gehndē
 linie betreffen vñ berüre/ oder wo die creuzlinie vñ die langen linien übere-
 nader schranken/ gleich andē selben endē sch dem richtscheid vñ die zwerche/

der zusammenstreichenden oder schränkenden linien/vñ stretch daß cyn strich dar
 über / so werden eitel viereckete steyn darauß / vñnd solches sahe vn-
 den oder oben an / vñnd mach es also auß / so lang die linien
 schranken / darnach so wüsch die creutzlinien auß /
 dann hastu cyn recht artlich proportionirt
 pflaster / wie solchs diese figur hien-
 den verzeichnen außweiset.




Sauter vñd clar hastu hienmit die gang anzeig wie man dß
 pflaster cyns geheuses machen vñnd richten soll / welches am allerersten/
 ehe man cyniche figur darinn reissen / außß wenigst mitt blindstrichen oder
 linien abgerissen oder verzeichnet sein soll. Dann wodie bildtnuß
 vorerst darinn gerissen würden / vñdarnach das pflaster / so kñnt
 man sich nit wol darauß richten / man kan auch (ob
 man wil) die stende der personen dester
 baß nach dem paviment oder
 pflaster stellen.

Das Sechtes Capittel von etlichen
andern Pflastern vnd Bänen.




Sagen wir nun wissens der anzeunge von dem pflaster/
so ist auch von nöten gleicher weise von der bänen des hauses besche-
he/darumb merck also: Wiltu eyn schlecht gebitterte büne haben/wie
man stüben zu fulzen pflegt / so nimme der leisten breite oben / vnnnd reiße sie von
dem puncten an biß oben auß/so verlieren sie sich all sanfft/wie du dessen gu-
te anzeung hernach in der ganzen figur der kammern mit der bechladen fin-
dest. Wiltu aber eyn gebitterte Büne mit ihren balcken haben / so halt
dich dieser lere: Theyl die Bün mit iren steinen oben (wie von de pflaster eyn
anzeung gethan) ab / vnd mach darauß eyn ganz pflaster / mit seinen creuchli-
nien vud allem andern / wie ich dich zümeß hieuor gelert hab / doch das solch
ganz pflaster von eytel blind strichen gemacht vnd gerissen sei / damit / so die
balcken vnd das gebütter / verzeichnet vnd außgerissen / man das übertig auß
wischen möge / darnach so das ganz pflaster also entworffen ist / halt dich die
ser regel: Nim die zwerch des ersten steins / durch auß nach der breyte / vber
das gebütter für eyn balcken / dem zeuch oben das drittheyl des balckens für

die dicke ab / vnnnd zeyge dasselbig drittheil mit einem strich an / darnach nim
 die negsten volgenden zwoen steyn platz für das gebütter / vnñ den vierden stein
 aber für eyn balcken durchauß über das gebütter / vnnnd dem zeuch auch (wie
 dem vorigen) eyn drittheil für die dicke ab / vnnnd aber zwoer steyn platz für
 das gebütter zwischen den balcken: Den siebenden stein nim aber für eyn bal
 cken / dem zeuch die mitte durchauß für eyn dicke ab / wañ ie ferrer die balcken
 hinein kommen / ie dicker die dicke angezeygt inßß werden / vnnnd die fleche ie
 schmaler / vnd halt dich nach der ersten anzeyge / mit den steynen vnd balcken
 so lang du steyn hast / darnach so verzeychen das gebütter nach lengs zwi
 schen den balcken herab / vnñ wüsch die blindstrich alle auß / so wirdt es eyn ge
 recht Perspectiuische büne / wie die obgestelt figur / so mit dem
 roten blindstrich bezeychnet / vnd die nachfolgendt (da
 rinn der blindstrich außgethan) klärlichen
 verstandt vnd anzeyge geben.




Von dem Becktichten Pflaster / wie mans machen sol.

Begleicherweise will ich dich leren/ das Beckticht paut
ment oder pflaster zemachen. Zum ersten mach eyn gefiert pflaster /
mit linden kolen/ wie das letst theyl inn dem fünfften Capittel mit seinen
roten creutzlinien außweiset / darnach so streich die zwerchlinien vñ creutz
linien mit schwarz gar auß / darnach setz dein richtscheidt anff die negst
zwerchlini/ vnder der creutzlinien/ obenda die 2 steyn / vnd vnden auch vff
den negsten puncten oder abtheilung der steyn/ amend da auch 2 sticht/ vnd
reiß eyn lini mit schwarz/ diß thû so vil du vnden puncte oder abtheilungs
süplinder steyn vnd oberzwerch linien/ vnderverts dē creutz hast/ vñ aber
in kleynen ort zusamen in eyn zwerchcel konnen/ darnach wüsch die herab
gehenden linien auß/ so wirdt es wie diese nachgestelt figur außweiset.




Von dem Rautilgen Pflaster.

Gerautilgte Pauiment oder pflaster / werden erstlich inn
aller massen gemacht vnd ganz außgerissen / mit creuzlinien vnd all/
wie die gewierten / darnach so wirdt jede platz / zwischen zweyen steynen / es
sei inn breytte oder lenge / mit cynem stiplin oder nebenrißlin gemittelt / wie
man vnden / oben / vnd vff den seiten der figuren / sehen mag. Darnach
so nim die mittelung oder stiplin oder rißlin vnden vndig dem Creuz / vñ
den da das i oder a steht (welches ort dir am ersten geliebt) vnd far hinuff
widerum vff die mittelung der breyte des steyns / abermals vnder dē creuz
da i oder a steht / diß thū so lang du mittel pūctlin hast. Darnach so halt
dich gleicher regel / von dē andern ort der mittelung vnden da a oder i steht /
vnd far aber hinuff biß vff die mittelung vnden vndig des creuzes / biß da
sein gleich büchstab oder ziffer steet / so kömen die Linien creuzweise übereyn
ander. Gleicher gestalt halt dich obwendig der Creuzlin / alles so lang die
mittel stiplin weren / so du dich dessen hältst / wirdt darauff eyn recht rautil
ge figur / die sich nach Perspectiuischer art / auß derst breytet / vñ zühinderst
verkleynert oder schmälert / wie hienach getruckt ist.




Runde pflaster zernachen / daran ist nichts besunders
 außmessens / nur das also ablengende runde dircfel inn die vierung
 der steyn/vmb wol siehus willen/gerissen/wann es gibt eyn schöne gestalt/
 darumb hie nit weiter dauon meldung beschicht.




Das Sibend Capittel von der Quadratur.

Aber fürter ist von nöten zu
 wissen was Quadratur sei/darauff
 spich ich: Quadratur ist/ das sich auß-
 theylet in vier eck/als eyn geheuse/ in eyn
 Pauiment/ eyn Bane/ zwo seiten wend/
 vnd eyn gegenoder vorsichtige wand/ wie
 in der grössern figur hieneben angezeygt
 wirdt. Aber die andern kleynern figuren
 diunder/ neñt man auch Quadraturen/
 wiewol die eyn ablenget ist/ jedoch die-
 weil sie vier ecke hat/ wirdt es auch eyn
 Quadratur genent.




Das Acht Capittel von erstlichen Linien/ vnd erstlich von der Richtlinien:

Ferner ist auch von nöten / seftmal dem gemeynen hant
wercksmann die namen der Linien ehnfältig/ als richt/ zwersch/ han-
gend/ aber sich gehend/ vnnnd creuzlinien/ hierinn genent sindt / das da von
auch eyn verftentlich anzeigge beschehe / warda man eyn jede lini brauch:
Darumb soltu erstlich wissen/ daß durch die vffrecht oder richtlini/ gmeint
wirt/ alles was vffrecht steht/ es seind wien/ seulen/ pfoften in fenstern/
die gesims von den schornsteynen oder caminen/ altär/ schrägen/ stäl/
bänck/ gelenter/ schänck oder behälter/ thären/ läden/ vnd al-
les was ganz gegensichtig ist / nach außeng
dieser hienachgesetz-
ten figuren.




Von der zwerchlinen.

Bei dem wort zwerchlinen/ müßtu verstehn/ alles wes
 die zwerch vnd darbei gegensichtig gerissen wirdt/ alsda seindt die
 balken vnd ihre dicke/ die obertheil der viereckten gegensichtigen fenster/
 ober vnd vndertheil der gegensichtigen wende/ zwerch genge/ vund zwerch
 der gegensichtigen gesims/ anfragsteynen vund capitälén/ der gegensichti-
 gen träplingen/ gesims vund fuß/ der schornsteinen oder räumen/ gefierter
 seulen/ das fordertheil der disch/ betch/ vmbhäng/ betchladen/ altär
 säule/ listen/ schänck/ bänck/ die dicke der thüren/ fenster/ vund
 der holenschenck oder behälter in muren/ auch der gleiche
 was die zwerch vff im hat/ vund gegensichtig ist/ nach
 außweisung der hienachgesetzten figuren.




Von der hangenden linten.

Sindt auch inn diesem büchlin/hangende vnd seiten
 linten benant / alsda seindt Balcken / die lengde zum puncten hin-
 reichendt/wie inn der ganzen figur hernach folgende / darinn die Betth-
 lad mit ihrem vmbhang steht/begreiffen / die seiten von vmbhängen / die sei-
 tengäng/schänck oder behälter/laden/fenster/schornsteyn oder camin/thü-
 ren/wende/vnd oberthcyl der dächer/fenster vnd gesims/es sei an heusern/
 dächern/fragsteynen vnd capitälen/vnd alles was oben he-
 rab / zum puncten hinßü reichendt/oder lendendt/ ge-
 funden wirdt/nach ansehg der nach ge-
 stelten figur.




Von den vbersich gehenden Linien.

Du hastu oben von den linien gehört / nun zum letzten werden hierin gemeynet / alles was von vnden auß zum puncten vber sich sihet / als da seindt die langen vbersichziehend pflasters linien / der disch / stül / benck / vndertheil der schänck / der sess an fenstern / vndere gesims / an fenstern / der trüpling / der wend / schrägen / listen / der pedestäl oder füß an den vierecketen seulen / der altär / windelstegen / oder schnecken / vnd alles waruff man sihet / oben zu / das wirdt alles mit seinen linien vbersich gerichtet / wie diese figur hernach anzeiget.



Von der Creutzlinien.

Rechte Creutzlinien werdent diese gemeynet / welche creuzweise übereinander gehn / sie seien also $+$ oder dieser gestalt \times oder leigende linien / wie die shenigen / so man in den Bauminuten oder pflastern / zu abtheilung der steyn brauchet. Diu weil aber bei der selben figur klärlicher hieuo: dauon gesagt / so istz hic überschritten.



Das Nenndt Capittel gibt anzeyge/ wie
man die geheuse vnd ihre ingehörde/ nach
dem gegensichtigen puncten/ richten
vnd machen soll.

S haben die vorigen Capittel gütten bericht vnnnd
anzeige von dem Pauiment vnd den bünen / auch etlichen linien
geben/ Nun ist auch von nöten/ die hierin gemalt oder getruckten figuren ires
inhalts zuerklären/ darauff gib ich dir diesen vnderricht. Erstlich/ so du
ein ganz gegensichtigs geheuse (wie diese hieuorgetruckte geheuß figur ist)
machen wilt/ so müstu von allen ecken/ nemlich von dem obersten lincken ort/
vnd vnden an das rechte ort/ dein linial setzen/ vnd einen riß oder lini mit lin-
den kolen thün/ darnach setz das linial oben auff das rechte ort vnd vnden vff
das linck ort/ thü aber ein riß/ mit linden kolen / so gewint die form ein solch
X vnd in der mitte des creuß da es über einander schrenckt/ mach ein stip-
lin also. Das neist man dan den puncten. Darnach so du das gethan hast/ so
reiß ein überzwerche lini/ demnach du das geheuse dleß oder seicht / oder die
hinderst wandt nahe hieuorn haben wilt / deßelben riß gleich von lenge: Thü
obwendig des punctens auch ein überzwerch lini/ so hastu das pflaster vnnnd
die büne ab verzeychnet. Darnach thü zworichte linien vffieglich der seiten/
deren jede die ober vnd die vnder überzwerch lini berenck / so hastu inn
dem geheuse ein pflaster/ ein büne/ zwö seiten/ vnd ein gegensich-
tige wandt/ vñ in dieser massen werden alle dinger erstlich
formirt/ vnd in gestalt eins geheuses bracht/ vñ dar-
nach das pflaster/ büne/ fenster/ etc. vnd alle
dingmassen von dem cynigen mittel punc-
ten angemessen werden vnd auß-
geen/ so wirdt es gerecht.



Stem so diß also wie gemelt beschehen ist / was du
 dan in dß gemach haben wilt/es seien stül/bänck/schänck/tesfur/
 disch/camin/beth/vñ dergleichen ding/da soltu erstlich die höhe
 derselbigen/durch die überzwerch linien reissen/dergleichen durch die vffrech
 ten linien/ wie du dann in diesen zweien hievorgetruckten figuren/ersehen
 magst/daß er sich die fordertheil der disch/schänck/bethladen vñd bänck/
 vñd was gegensichtig ist/gerissen soll werden/vñd darnach von ieglichem ort
 es sei vñden/oben/oder beiseits/allcimals das linial oder richtscheidt/vff das
 cyn ort(was anderst die seit haben soll) gesetzt werden/vñd darnach vff den
 puncten/vñd thū eynen riß obenher/darnach setz das linial oder richtscheidt
 vff das ander ort/vñd aber vff den puncten/so wirdt es gegen dir dick/vñd
 verlewert sich ie lenger ie baß gegen dem puncten zu/also das es cyn hierliche
 vñd gebürliche verkleynnung/nach art vñd eygenschafft der kunst getwinnet.
 Darnach was oben die fläche hat/daruff man sehen soll/alsß disch/schänck/
 bänck/bethladen/vñ dergleichen/sol man oben von ieglichem ort der zwerch
 lini/das richtscheidt vff das ein ort vñ den puncten setzen vñ ein riß thūn dar
 nach wider an das ander ort vñ den puncten/vñd abermals ein riß
 thūn/so künne es fornen zusamen/fast gleichend einem trechter/
 darnach so thū einen überzwerchen riß/dennach du den
 disch/die bethladen/stül/bänck oder schänck/dieff
 oder lang/inn dem geheuse
 haben wilt.




Nun werden hernach die thüren vnnnd fenster (welche
 nitt die breyte/als thisch/schänck/bänck/vnnnd bechladen/auff) hnen
 haben) wie man die machen soll / auff cyn andere maß angezeigt/ dann die
 disch/bänck vnnnd bechladen/ werden von den überzwerch linien genommien:
 aber thüren/ fenster vnnnd schornsteyn / aus den auffrechten linien. Da-
 rumb von ersten / so du cyn thüre machen wilt / so thū zwo auffrechte linien/
 welche wol biß über die halb wandt hinauff reichen/ das ist die dicke der
 wandt/wider welche du sihest/darnach thū noch ein auffrechte oder richtlini/
 baß zū dir/höher dann die ersten zwo linien/darnach thū cyn über
 zwerch lini oben an den ersten zweien richtlinien / welche die dicke α b
 der mauern anzeigen / so gewinnt es ein solch gestalt. Darnach
 setz das richtscheidt auff das ein oberst ort / vnd auff den puncten/
 thū ein riß biß zū der andern auffrechten linien / so näher zū dir sie
 het/vnnnd darnach stell abermals das richtscheidt auff das ander
 ort/vnnnd widerumb auff den puncten/so wirdt da nit angekeigt/
 die ober dicke der thüren/vnd wiewol die etwas schmaler von ge-
 sicht dann die ander wirdt/so hatsie doch ihre gerechtigkeit die sie c d
 haben soll / vnd in dießer massen thū nit den dickten der fenstern
 vnd gesimfen oder sessen vor den fenstern auch/vnnnd alweg die negst
 richtlini zū dir/soll einfach/vnnnd die ander/gegen die du sihest/
 doppel sein/vñ wo dich die öbern vñ andern ecke der dickten/
 das ist die zwifach lini vñ dicke der mawm darwider man
 sihet/vñ der punct (so das linial vff die bede gesetzt)
 hinweisen/dem volg nach/so gewinnen alle
 ding ein gestalt/wie inn den vorigenn
 dreien figuren völliſſlichen ange-
 zeigt wirdt.





Nistu bißher von den inwendigen geheusen / vnd wie die
zumalen/bericht gehört/so merck weiter. Es hat mitt den gassen vnd
heusern/so man daruff außwendig ansihet/diese gestalt: Was von gängen
mitt gesimßen gemacht soll werden / da muß man vnden darwidder sehen /
darumb ob wol oben vff den gengen auch gesimß sindt/so kann doch eyn bild
oder mensch/so vnden vff der gassen steht/nit meer dann eyn gesimß/so vnden
für geht/oder das vndertheil von den gesimßen/vnd nit oben daruff se-
hen/wie die negst hievor gestelten dwo figuren außweissent. Vñ
also müssen solche geng geordnet werden/das sie vff das
geringst dwoyer bild (so man vnden/in/oder vor dß ge-
heuse machet solt) hoch angefangen werden demach
en (were besser dritthalb bild hoch) wo auch
oben der gebel des dachs erwindet/muß
du das linial anschlagen/vrind vff
den puncten stellen/das gibt
der fyrsten riß.

Das zehendt Capittel/sagt von den gebeuten
als nemlich gewelb / so in den direct ge-
richt werden sollen.



In Kirch oder eynen Sale/ so mit seulen vñ gewel-
 ben gerüst sein sol/ mach also: Erstlich reiß das pflaster mit dem
 gesierten seynen (doch anderst nit dann mit blindstrichen) vñ
 verzeichnen eyns halben steyns/ platz/ zu dem Postament / Pedestal oder vñ
 der theyl der seulen/ laß daß zwischen der andern negstuolgenden seulen/ vñ
 der ersten/ mit dem halben steyns platz/ das an dem steyndeß pedestals der seu-
 len obert/ vierdhalben steyn/ daß verzeichnen abermals eyn fuß eynes seulen/
 vñ der ordnüg nach halt dich/ so lang du steyn hast/ so werden die seulen ie len-
 ger ie fleynner/ nemlich die pedestal oder fuß der seulen/ nach den steynen/ vñ
 die seulen schmaler oder dünner nach de pedestalen / daß von den füßen mußt
 du zwe linien zu berg vff führen/ schlecht/ oder aber nach welscher art/ mitten
 bäuchet/ so werden auch die seulen/ nach den plätzen vñ verlickung der stein
 plätzen/ ie langer ie näher beieinander kommen / vñ verlieren sich nach rechter
 Perspectiuischer art/ wie das musier hieformen anzeiget. Darnach reiß das
 Capital/ oben vff die sorderst seul vñ wo es oben erwindet/ da setz das linal
 vffs cufferst ort/ vñ vff den puncten / thū eyn riß biß über die innerst wandt/
 darnach setz aber das linal vff das ander ort des Capitals/ vñ auch vff den
 puncten/ reiß widerum zum puncte / doch sollen alle diese linien blindlinien
 sein vñ nindert anderst zu dienen/ daß das alwegend die Capital von den an-
 deren seulen eben mitt beyden orten / and den enden/ da die seulen vffrichtig zu
 gehn/ anrühren / so bringstu damit zuwegen / daß sich die Capitale allsanfft/
 nach größe der seulen verlieren. Wiltu daß eyn gang vff die seulen machen/
 so reiß abermals form gegen dir/ den gang mit seinen gesimsen vñnd seiner hö-
 he / mit zwertch vñnd richellinien/ darnach setz dein richtscheidt vff das eyn ort
 des gesimses / vñnd an den puncten / thū ein riß biß zu der innersten wandt/
 darnach setz das linal an das ander ort vñder dem ersten vñnd dem puncten/
 thū im wie ich angezeigt/ so gewint das gesims sein dicke/ darnach rück das li-
 mal an dñegst eck/ vñder den ersten zweyen linien/ so machstu den überschuß
 des gesims/ wañ so manchmal du ein gesims über das ander stells/ (es sei daß
 das du ein halb schwenffung von stab vñ lelen machen wilt / wie das musier
 hernach anzeiget) als oft musiu vff der seiten den überschuß mit eynes funde-
 ren linien reißen/ daruñ so manch gesims du machest / so oft wirdt er vff der
 seiten doppel/ das bringt der punct zuwegen / vñ so manch eck die gesims vñnd
 oder oben haben/ es sei aus oder inwärts/ so mancher riß muß biß zum punc-
 ten geführt werden/ vñ ist daruñ/ daß man sich desto baß darnach richten mü-
 ge. Dessen aller volgt ein ganz außgemachte figur/ vñnd wie man fürther
 das gewelb machen soll.




Recht dich darnach zum gewelbe also: Reiß inn den
 obersten platz der bünen / abermals cyn gefierd pflaster / wie vnden/
 verwerff oder überhupff zweyer steyn platz / vnnnd nimm den dritten steyn für
 den tragsteyn / inn seiner breyte / vnnnd reiß von erst sein gesims / mitt seinen
 zwerchlinen / vnnnd der hindersten richte linien vnnnd reiß das gesims / so hoch
 vnd lang du es haben wilt / darnach reiß vom allen ecken des gesims / es sei
 auswärts oder innwärts / vnnnd vnden da er erwindet / linien von blind-
 rissen biß zum puncten. Darnach sonimm abermals zweyer oder dreier
 steyn platz / zwischen den tragsteynen / nach dem dich selbs güt duncket / vnnnd
 darnach du das gewelb / krauß oder weitsperrig / von cynander wilt haben.
 Wilt du aber auch seulen auff den gangl haben / vnder die tragsteyn / wie es
 darn hierlich sieht / so müstu die richte der vndern seulen aufffären / inn rech-
 te richte / biß vnder den tragsteyn (doch daß der gangl mit richelinien vnuer-
 seret bleib / vnd wie die seulen dich von vnden hinauff weisen / dem müstu nach
 volgen / als dann so darffstu des pflasters inn der höhe oder bünen nit / sunder
 bleibst wie dich die vndern seulen / mitt ihrer richte hinauff weisen / so reiß dein
 gewelb / wie ich dich hernach von den tragsteynen vnderweisen werde. Nem-
 lich wie ich dir vorgesagt hab / souiel platz du zwischen den ersten seulen vnnnd
 tragsteynen läßt / es seien zwey oder drei steyn / souill müstu den anderen auch
 lassen / so verlieren sich die tragsteyn je lenger je mehr / vñ werden kleiner nach
 den steynen. Wiltu daß die dick des tragsteyns habe / so nimm sie halb als breyt
 vff der seiten / das du den tragsteyn von seinen gesimsen inn den zwerchlinen
 gerissen hast / vnnnd das oberst zwischen den zweyen blindtstrichenn / wirdt ein
 hangends rißlin / das ander darnach / so den überschuß anzeyget / wirdt mitt
 cynem zwerchrißlin / biß zur blind linien gerissen / das ander darnach wider
 mitt cynem hangenden rißlin / vnd abermals der überschuß mitt cyn zwerch
 rißlin / der lere halt dich / so lang du gesims hast. Wiltu darnach das gewelb
 vff die art des musters haben / so setz deinen zirckel dermassen / daß cyn schwib-
 bogen hinden von dem zweyten tragsteyn des rechten orts / ansee / da a sieht /
 vnnnd form auff das hangendt oder seiten / des lincken fördersten tragsteyns
 reych / da aber das a sieht / dasselbig süch formen inn der anzeygenden vn-
 außgemachten figur der kirchen / vnnnd also mach / so manchen schwibogen riß
 als manchen stab oder lele du am schwibogen haben wilt / darnach richt den
 zirckel inn vorgeseelter weite / jeglichs schwibogens / stab vnd lelen riß / so du
 vorhing gerissen hast / dermassen daß der hinderst zirckel riß / auff dem zweyten
 tragsteyn hinden anreych da b sieht / vnnnd vff das hangend recht ort des för-

der sten kragsteins da aber b steht / so men an reich / vnd reiß alle stab vnd
seilen zirkel riß / wie vorhin / wie solche puncten alle / durch büch staben / der
gleichen ire zirkel oder schwibogen riß / auch durch ire gleiche büch staben / ver
zeichnet hab / also thû ie vom zwayten vff den dritten / vñ vom dritten vff den
vierden / alles geschicket zirkel riß / so können allemal die schwibögen creuz
weise übereinander / vnd wann du also zwen creuzriß gemacht hast / so mach
alle mal s eynen ganzen zirkel riß / der inn der mitte des kragsteins auff dem
eck / vom zwayten kragstein / vff den zwayten / vom dritten vff den dritten / vnd
also fortan / um halber zirkels höhe / so lang kragsteind a sindt / also daß das
letzte eyn halber zirkel riß sei / wie das muster außweiset : So müßtu inn der
mitte / irer zusammentreffung / den mitteln schlußstein verzeichnen / darnach
müß hinden die breite des schlußsteins / thû zwen blindriß zum puncten / dar
nach so mach allemal deine schlußsteine vff ieglichen geschränkten zirkel riß
daß sie die beide blindriß berechnen / so verlieren sie sich nach rechter per
spectiuischer art / ganz proportionirlich. So nun die schwibögen
außgerissen sind / so thû ein richel inn vom vndertheil des
kragsteins an / biß an den negsten schwibogen über
im / so gewint es ein ort eins gewelbs / vñ seiner
vffgeführten dieffe / vñ wird den fenstern
stat platz geben / dieselbigen auch in
die wende zureissen / wie solchs
die ganz außgemacht figur
hieforne gesetzt
anzeigt.

Wie man vff eyn andere maß oder
weise/eyn gewelb machen soll


Sñ jñe also: Was gewelb du vff seulen machen wilt/
die müssen alle vff pflaster gesetzt werden/damit man die seulen in rech-
ter massen voneinander setze/vñnd keine weitter von der anderen komme/
dann die zal der streyne ihne weistet. Dieweil aber diese gattung der seulen
in nachuolgender figur eyn grössere platz (dann die runden) erfordern/so
hab ich deren Pedestal/ Postament oder füß/ anderthalben steyn gegeben/
vñnd die mittel platz zwischn zweyen postamenten oder füßen/dritthalben
steyn geordnet/ meins crachtens es siehe proportionirlich/vñd darumb so sag
ich/du müst zum ersten das forderst Postament/ mit seinen zwerchlinien/
vñnd den vffrechten linien/vñnd dem zweyten gesims oben vff dem postament/
abreissen/darnach setz das linial vff alle ort vñnd eck/die die zwerchlinien zey-
gen mögen/vñnd thū blindlinien durch auß biß zum puncten. Darnach so du
dañ das ander oder zweyte Postament machen wilt/so rechen/das es vñnden
anfahet da die dritthalb steyn platz erwinden/vñ thū daß vom ende des pfla-
sters hinuff eyn richelin/biß da du die kragsteyn ansahen wilt/vñ so manch
übersichgende lini/du vom fordersten Postament oder füß/biß zum puncten
hast/also manche zwerchlini mach/die biß an die übersichgende lini reyche/
vñnd auch inn der dicke sei/als die dieselbig übersichgende linien anzeygen/
so kömen alle ding nach eynander proportionirlich/vñnd wo die oberste gesims
formen an dem überzwerchen/vñ dannach den übersichgende rissen/zusamē
trettē daselbst füre vff zwo richelinien biß vñnder den kragstein/was auch von
fenster dicke fundt/daruff man sehen mag/als am vñnderstheyl/die sollen vñ-
den mit eynrer duplen übersichgenden blindelinien gerissen werden/was aber
oben inn der höhe ist/da soll man die vñnderstheil/da wider man sihet/
inn der dicke reissen. So du auch etlich trāpling machen
wilt/soltu von erst jr höhe vñnd außschwiffung mit
zwerchlinien reissen/vñ dannach von allen or-
ten/cken/vñ wo ein scherpfte in ein eck
zusammen kumt/dem linial daruff
stellen vñnd vff den punctē/so
verlieren sich die trāp-
ling nach rech-
ter art.



Beynem gewelb/so du auff die art haben wilt/ müßtu
ihme also thun. Erstlich so die kragstein nach auffführung der Seulen
vom grundt auff/ von rechter weitte geordnet seindt/ thū wie ich dir inn der
vorigen gewelb figuren der kirchen angezeigt hab. Stell deinen zirkel
dermassen/ daß er seer nahe inder mitten des ersten kragsteins/ der zwersch
linien/ am lincken ort angehe/ vnd auff den zweiten kragsteinn des rechten
orts/ inn dem ort vomen zū/ an der hangenden linien anreynhe/ denen reiß
dañ so manichsach/ (alles in eynrer weite) so viel du stäb vñ kelen darin haben
wilt/ also thū ime vff der rechten seitten zugleich erweise/ so kommen die bede
zirkel reiß creutzweise über eynander/ in dasselb creutz verzeichnen den schluß
steinn. Darnach für abermals eynen halben zirkel reiß von dem ersten vff den
ersten/ vñ nach gemacht creutz zirkel reiß/ von dem andern auff den andern
kragsteinn/ vnd daß der selbig reiß gleich vomen inñ eck der überzwersch vnd
hangenden linien/ vomen zū/ auffgeführt werde/ darnach stell den zirkel
dermassen/ daß eyn zirkel von dem halben theil des halben runden zir-
kels/ überzwersch biß an schlußstein gehe/ vñ vom schlußstein gleich wie der
zirkel gestellt ist/ vndenwendig des schlußsteins hinab faren/ biß an das an-
der halbe theil des halben zirkels/ vff die ander seite/ also/ hastu den zirkel ob-
wendig des schlußsteins/ an dem rechten ort angefangen/ so müß er hin-
über vndenwendig des selbigen schlußsteins am lincken ort erwinden Inn
gleicher gestalt thū auff der andern seiten auch/ so wirdt es wie das vorange-
setzte muster außweist/ wie wol die ebenmaß des zirkels/ inñ müß er nit ge-
halten worden ist/ dann nich bedunckt es wolt zugar ründen/
vnd eyn mißstalt geben/ vñnd ist doch vndenwendig des
schlußsteins alleyn die zirkelmaß nit ganz ge-
halten/ sieht alles zugefallen des reissers/
deweil damit der gerechtigkeit der
Perspectiva nichts abge-
brochen/ vñ ist hie ge-
melte figur ganz
außgemacht.




. Eyn gemaynt geheuse / so noch nit außgemacht /
mit seinen gedimnerten ingebewen / als näm-
lich Balken vnd anders darzu dienend.



Du cyn Geheuse / so noch nitt außgemacht / oder der
 gleichen etwas von balcken machen woltest / müstu den triangel platz
 da schmidt in dieser figur die vndersten balcken ligen / vnnnd mit blindlinien
 gerissen / zu einem geuerten pflaster ordnen / vnnnd nim̃ cynes steyns breytē
 für cyn balcken inn der zwersch durchauß / vnden darnach ic zweyer steyn platz
 zwischen dem ersten vnnnd zweyten balcken / nim̃ darnach den vierdten steyn /
 aber inn der zwersche durchauß / vor cyn balcken / vnnnd nim̃ iglichem steyn
 cyn drittentheyl ab / vor cyn dicke / aber dem vierdten balcken vnnnd den an-
 deru darnach / nim̃ iglichem das halbtheyl vor cyn dicke / dann ic ferrer man
 sihet / ic schmülder werden die balcken oben / aber die dicke scheint grösser zu sein
 dann die breytē. So du nun dein pflaster also zu balcken ordnen wilt / so nim̃
 die dicke des größten balckens (wie vor gehört) das drittheyl / vnnnd vnden inñ
 eck da 1 steht / da thū cyn blindriß durchauß / biß zum puncten oder der inner-
 sten waundt / da du mitt dem pflaster erwunden bist / das gibt dir die förderst
 lini der mauern / daruff die balcken ligen / darnach thū noch ein blindlini da
 2 steht / biß zum puncten zu / das zeigt dir dann die dicke der mauern. Vnnnd
 also müssen alle balcken vnden biß an den selbigen anrären. Darnach thū
 wider ein blindlini oben da 3 sihet / biß zum puncten / die lini gibt dir dann
 die dicke der balcken / wann von der linien da 2 steht / biß an die annder da 3
 sihet / müstu cyn richtrißlin thūn / so hastu als dann die dicke / vnd so breyt der
 stein ist / über die abtheilung der dicke / müß der zwersch riß biß an die blind-
 lini 3 anrären / vnnnd also halt dich / so lang du steyn zu balcken abuerzench-
 net hast. Aber die mitteln balcken / die soltu nahend von der dicke machen / wie
 die vndern balcken. Darnach mach ein blindlini / von dem ort oder eck da 4
 steht an / biß zum puncten / das gibt die abtheilung der andern oder zweyten
 mauern / daruff die ander ordnung der balcken leigen sol / darnach thū wider
 cyn blindriß / von dem ort da 5 steht / biß zum puncten / damit jeygstu oben
 die dicke der balcken / dann es müssen alle balcken / inn der ordnung / an diesel-
 big ober linien mitt 5 gezeichnet / reychen / so sollen auch die dicke der selbigen
 balcken / grösser verzeichnet werden dann die fläche / also daß der dicke zwei-
 theil / vnd der fläche ein theil / zugeordnet werden sol / dann die selbig ordnung
 der balcken / leigen gleich / als wann einer inn einem andern gemache sihet /
 das nit vil über neunthalben oder neun schühe von der vndern dānen / biß an
 die balcken were / so scheinen die balcken gegen dem gesicht dick / vnd vnden off
 jrer fläche schmal / vnd scheinend gar nahe beeyinander leigen / daß man we-
 nig platz zwischen ihnen sihet / aber ic höher man über sich sihet / ic dünner be-
 duncken einen die balcken von jrer dicke / vnd ic breiter von der fläche. Dar-

umb so nim die dicke des fordersten balkens / im dritten gestock / oder in der
dritten ordnung der balken / da 6 steht / vñ thū eyn blindriß biß zum puncten
oder der innersten wandt / das gibt die oberst höhe der dritten stock wandt / vñ
darnach thū noch eyn blindlini / vonden obern zwerschlinen des balkens / da
7 steht / das gibt dir abermals die dicke / wie dick die andern balken nach irer
art vñ ordnung sein sollen / dan es müssen alle balken / an die ober lini
da 7 steht / anrühren. Sunst mit fenstern / dāren / schornsteyn / vñ
dergleichen dingen / helstu dich wie vorgemelt / vñd wirdt
darauf eyn solch geheuse wie diß volgend figur auß
weist / vñ weiter vñ merers berichts willen /
aller schzgesagten meynūg / ist gleich dar
nach eyn ganze figur eyns geheu-
ses / mit bildnussen gesetzt.






Wie hat nun ein end / wie man Pautment oder pflaster mach-
 en / vnnnd ferrer inn geheuse formiren soll / vnd volgt hernach / wie
 man zu geheusen / etwo eyn puncten vff die seit ruckey
 soll / vnnnd war zu solchs dienlich sei.

Von dem seiten puncten.


Gleich wie in vorigem inhalt diszbüchs / ist meldung be-
 schehen von dem richtigen puncten / zu mittel in cyn gerichtete quadratur
 gesielet / also ist auch nun zu wissen von nöten / daß man zu seiten den puncten
 vff seite ruckt / vnd damit viel schöns gemäldes zu wegen bringet / dann in cyn
 seiten geheuse mag etwo allerley gemäldes / inn ein außladung bracht wer-
 den / das in cynier quadratur / so die in gleicher lengge ist / nit geschehen kan / daß
 die kürze der wandt in der quadratur / solchs nit erleiden mag.

In cyn seiten puncten ein geheuse zurichten / muß der punc-
 te nit auß dem mittel des creuzes / von allen vier orten zusammen geführt /
 genomen werden (wie in der vierung) sonder du magst den seiten puncten dei-
 nes gefallens richten / hoch oder nider / ferr vff die seite / oder nit zu ferr / etwo
 in die dieß theil deins gemäldes / etwo gar an das cyn ort rucken / dann wiltu
 vil materi in cyn geheuse haben / so müst du den puncten ganz vff der ort cy-
 nes hinausß gehn lassen / vnd höher über sich rucken / dann die halb lengge der
 formen in ihr hat / so würde die bane kürzer / vnd das pflaster lenger / ich rath
 aber wenig darzu / dann wann du den puncten gerad in die mitte der lengge
 der formen / vnd doch an das cyn cufferst ende stielst / so gewinns dan noch ein
 fein proportz vnd bringst viel materi dem zu wegen.




Wen so du das pflaster (wie jetzt gehöret) in ein seiten
 puncten (als die obgestelte figur) richten wilt / thū ihm also:
 Bedenck zu erst / wiltu ein seiten geheuse machen / daß doch
 ein wandt vmb cyn duthenyl lenger dan die ander sei / daß du
 stellest den punct vff cyn duthenyl nahe / bei das end der ein seit / darnach stell
 das richtscheidt / oder linial vff das ein ort vnd vff den puncten / also thū auch
 vff der andern seiten / so wirdt cyn ablengeter triangel / dem thū fomen aber
 ein zwerchlini für ein schwel der inersten wandt. Darnach nim einen zirckel/
 thenyl das vnderst thenyl / das es gerade linien / als acht / zehen / zwölff oder vier
 zehen / mitt den zweyen eusseren / gewinn / so werden vngerade plätzen der
 steine / darnach stell das linial vff iglichen vndersten puncten der abtheilung/
 vnd auff den seiten punct / vnd reiß linien von der wandt an / so lang du puncten
 der abtheilung hast / darnach so das gethan ist / sch das linial vff das cyn
 vnderst / vnd das lengst ort / vnd fah: hinuff / so hoch dich gult dunckt / vnd du
 die Steyn gern breyt oder schmal haben wilt (aber meins bedunkens /
 wer die gestellte form die best) so du nun das gethan hast / so sitzff
 cyn punctlin vff dz mittel des mittelften platz oder steins
 vñ der halben creuzlinien / so dich am aller gleichsten
 im mittel sein duncken kan / darnach stell dein
 linial vff das kürzst ort / vñ das mittel
 sitzlin in der creuzlinien / so wirdt
 es wie solchs hic gemacht siert.






Siehe nun diß hieunden getruckte Figure / dann so du
 ihnd das Kreuz gemacht / vñ mit zwerchlinien (wie hievor gemeldet)
 außgerissen hast / gewinest cyn solche gestalt.



Es ist diß hernach gesetzt selten geheuse/ derma-
 sen gemacht/daß man erstlich den puncten gesetzt hatt/ in die
 mitte des innersten wandlins (wie man noch ein klein schwar-
 zes stipplin darinn findet) vonn dannen ist erstlich das Linial
 vff das ein lengst ort gesetzt worden/ vnd vff denselbigen puncten/ vnnnd eyn
 übersich geende lini/ zu eynem ablengenden triangel gemacht. Darnach ist
 das ander ort vnd das kürzer ende/ auch zum puncten gericht worden/ das
 hat gemacht den ganzen triangel/ vnd die kürzest wandt. Zugleicher weise
 soll man thun mit der Bunc/ von iglichem obersten ort oder ende/ eyn lini
 zum puncten thun. Darnach so diese ablenget vierung gerissen ist/ so theyl
 dein pflaster auß/ wie vom seiten puncten geschriben steht. Darnach mach
 auß deiner bunc ein vmbgekeretes pflaster/ gleich wie hievor angezeigt ist/
 vnd doch mit blindrissen vnd creuzlinen/ wie sich zum seiten puncten erhe-
 schet/ darnach nim oben eyn dicke vnd breite der balecken/ wie dich selbs güt
 beduncket/ also/ verzeichen sie oben mit stipplin/ dann sorechen vnd miß mitt
 dem zirckel auß/ daß du gleich plätz von einer größe oder breite/ zwi-
 schen den balecken habest/ vñ setz vff iglichs gemacht stipplin vñ
 den puncten/ dein linial/ soreißest du alle Balecken mitt
 irer dicke ab/ darnach soreiß in dein gemachten
 pflaster in der Bunc allein die überzwerch
 linien mit schwarz/ vnnnd darnach
 wäsch auß die ablengete riß
 zñ puncten zñ/ vñ die
 creuzriß/ so hastu
 die Bunc wie
 in volgen
 der fi-
 gur.



Nu ist zu merken / so diß alles also gemacht ist / vñ man
 dann cyn außladung oder ercker ins geheuse haben will / so müß du
 sie in das lenger ort ordnen / vnd also / wo zugegen du die außladung hin ha
 ben wilt anzugehn / da mach somen cyn richtlini / von dem pflaster an biß
 an die bane. Darnach so bieht du sie haben wilt / thu aber cyn richtlini /
 vnd darnach vnden vnd oben / von jeglicher richtlinien / cyn über
 zwerch lini / so wirdt es cyn gegensichtig wandt / darnach setz
 dein richtscheidt vff das vnderst inerst ort der außladung
 vnd den puncten / thu cyn riß biß heraus / so geet
 das pflaster souiel dießer in die außladung /
 zugleich erweise thu oben auch / am inner
 nersten obersten ort / so geht die bane
 auch souiel dest dießer hinein
 vnd wirdt wie das hie oben
 gestellt geheuse.


Die figur mitt dem duppelen oder
 zwifachen gewelbe / die hernach ge
 setzt / soltu machen wie volgt.



Recht vnd gebrauch dich dieser lere / die figur mit dem duppelen gewelb zumachen: Ersilich so reiß cyn seiten pflaster oder Pauiment / darnach verzeichnen zuneigst vnden am ende / cyns steynes breyte / für das halb Postament / Pedestal oder fuß der seulen / wie wol ob du wilt / so magstu zwoyer seyn breyte für den fuß nennen / ist aber um dieser figur darumb vnderlassen worden / auff das die Postament vnd ihre seulen / dem innern geheuseder figur / mit zuviel platz benennen / darumb ist dem pflaster auff jeglicher seiten nit mer dann cyn seyn / die breyte zugeben / aber in Pauiment oder pflaster / da ist an jedem ort cyn seyn die breyte zugeben / da mit das zwoye Pedestal / zwoyer seyn breyte überkeme / vnd der innern platz nichts benennen werde. Darnach so der fuß der seulen / mit seinem vndern gesims inn der zwerche / vnd mit seinem übersich gehenden gesimsen / gemacht ist / so füre vff zwo richtlinien bis an das ende / da du das zwoye oder ander gsims / vndenwendig den runden seulen haben wilt / dz gibt dir die höhe des Postaments oder fuß der seulen / vñ jre breyte / darwider du sihst. Darnach so verzeichnen das ober gsims / vff welches du die runden schwibogen stellen wilt / in der gegensichte / vnd mach daß sie oben breyt seyen / vnd sich je lenger je mehr vnder sich herab / mit iren gesimsen / siab vñ kelen verlieren / doch daß das vndertheil so breyt bleibt / als breyt du die obertheil der runden seulen haben wilt / vnd so dieses also zu beyden orten / in cynrer rechten außgemeßnen höhe beschehen vnd gemacht ist / darnach so setz dein linial oder richtscheit vff alle scharpffe eck (sie gehend inwarts oder außwarts) vnd vff den puncten / vñnd thu eitel blindriß oder linien bis zum puncten / darnach laß dreier seyn breyte für ein platz / zwischen dem ersten vñnd zwoyten Postament oder seulen fuß / vnd dann so nim aber eins steyns platz für das drit Postament / diß thu so lang du stein hast / vnd allemal so laß die obern vnd vndern gsims in jrer zwerche geen vff die übersichgeend blindlinien. Dergleichen lere halt dich auch mit den obern gesimsen der kragsteyn / vnd so du den ersten in seiner zwerche gemacht hast / so laß abermals von allen ecken (sie seyn inwarts oder außwarts) blind hangend linien / bis zum puncten gehn / vñ sonderlich so vil mehr / du dz hinderst oberst ort der breyte des kragsteyns / auch mit cynrer blindlini verzeichnest / gibt es dir von allen kragsteynen oben die breyte / dan wo von de vndersten eusser ste ende des Postaments oder fuß der seulen / in rechter breyte / die richte vffgefürt wirt bis an die hinderst hangend blind lini / vnd wo die richtlini / dieselbig hinderst hangend lini übergeht / da mach die zwerche der gesims des kragsteins / vñ also werden die seulen nach größe vnd

vnd fleynne jrer kragsteyn vnd Postament oder füß. grösser vnd fleynner for-
 mirt. Darnach so nim den mittel steyn im Pflaster oder paniment/ vnd das
 halbtzehl eynes steyns in der breyte/ für den füß der mitteln runden seulen/
 vnd aber über vierdhalbē steyns breyt verzeichnen den andern füß auch hal-
 ben steyn breit/ diß thū so lang du stein hast/ darnach so für vff/ zworichtlini-
 en/ wie dick du daß die rund seul haben wilt/ vnd vff dieselbig setz dein Ca-
 pital/ was art oder gestalt du es haben wilt/ vñ vff das Capital dem krag-
 steyn/ daß der oben den seiten kragsteyn sich in der höhe vergleich/ vnd mach
 die gesims vorn gestalt/ es sei mit träpling/ stab oder kelen/ wie dir geliebt.
 Vñ thū im abermals wie vor dauon geredt ist/ mach blind hangend linien/
 von allen ecken/ hinten vñ formen/ wo es sich ichts erzeigen mag/ biß zu dem
 puncten/ vnd richt alle mittlere kragsteyn/ den seiten kragsteynen in gleicher
 höhe/ die auch innen in der dal gleich seiendt/ so verlieren sich alle gesims vnd
 seulen nach rechter proport/ vñ dem puncten nach/ also/ da sich der punct zu
 der seiten am negsten zu zeucht/ da siht man wenig oder fleyn plāß zwischen
 den seülē/ da aber der punct am ferrsten siht vñ das pflaster ablenget wird
 da siht man mer plāß zwischen den seülē/ daß am andern ende/ vñ das wirt
 dardurch zuwegen bracht/ so man rechte vnd gleiche ordnung der steyn/ in al-
 lendingen helt. Darnach mit dem gewelb/ da reiß mit dem zirckel cyn run-
 den schribogen/ mit seinem stab vnd kelen/ von dem ersten kragsteyn vff den
 ersten der ersten seuln/ vñ also fort an vñ zwayten vff den zwayten/ darnach
 so du das creutzgewelb machen wilt/ so stel den zirckel daß er vff das erste ge-
 sims des ersten kragsteins mit dem cynen ort/ vnd mit dem andern vff
 das zwayt gesims der runden mitteln seulen reychē/ vñ mach cyn
 zirckel riß/ darnach stell den zirckel/ daß er vff das gesims
 der mitteln runden seulen/ mit dem cynen end reych/
 vnd mit dem vñ reissen vff das zwayt gesims
 der wānd kragsteyn komē/ so gewinnen
 die zwen zirckel riß cyn creutz/ al-
 so thū mit allen creutzrissen
 in dieser figur/ so wirt
 es wie ob siht.

Nach dem nun der zwayt Tractat off im hat / zwischen
der rechten vnnnd ablengetten quadratur / vndersehendt zugeben /
vnnnd dann etlich figuren / hie angezeygt werden / die ablenget nach dem
puncten / vnnnd doch gleich denen / so in die richte vierung gestellt / die wand /
eyn büne / vnd eyn Pauiment oder pflaster haben / so ist auch zuwissen von
nöten / das man etwo die eyn wandt außlaßt / des gleichen man etwo nitt
mehr / dann die halb büne vnnnd halbes pflaster reisset / vnnnd das thut man
darumb / das man etwo außladung oder Ercker zu dischen / des gleichen zu
Altären / machen wil / vnd so man die zwayt wandt / welche hiet in außge-
lassen / hin züheth / würd die ablenget seit zuschmal / eyn scheinliche außla-
dug dar in zu machen / vñ würden dardurch die bildung / die man in die auß-
ladung malen wölt / zugerung vñ kleyn. Vnd darumb so müß der maler / so
eyn solch geheuse / vnd eyn materi dar in malen will / von erst wol incorpo-
rirt / oder in sich bilden vñ fassen / was er für eyn materi vor hat zu machen /
vnd demnach eyn geheuse / in dem dar zu dienlich / mit hülff vñ anweisung diser
kunst auffuchen / vnd demnach reissen / vnd ich setz des eyn gleichnuß: Hastu
dir für gesetzt eyn materi zu machen / die vil personen in jr zu haben erfordert /
vnd daß dieselben hin vnd wider der strewet stehnd / vnd der oger vil in eyn
form bracht hettest / zu solchem mustu eyn dieß geheuß haben / vnd das in ey-
ner rechten vierung stehn / des gleichen zu eynem dank / welcher die lenge vñ
vil personen erforderet / auch in eyn ge viertes geheuß setzen. Willtu aber
Bancet / vnd essens / auch wie man Mess in eynen kirchen lieft / vnd dar bei
eyn gsegn malé / so ist dir dar zu nichts nützers oder dienlichers dan die form
der hernauolgenden figur / wie wol die ettwas eyn schmälé oder enge / vñ
wegen der darin gestelten seulen / in jr hat / so het man sie doch breyter mögen
machen / so man die cufferst geuiert seul hindan gethan / vnd das pfla-
ster zwayer oder drier steyn breyt / nebe der vndersten vierung /
oder dem eck des cuffersten schwartze ranffts (welcher die
form vñ ringt oder schleußt) hinuff gefürt hett / wie
das elärlich auß der andern darnach volgen-
den figuren / der außladung mitt dem
disch vnd baß dann man daruon
schreiben mag / zuerlernen
ist / vñ volgt die figur
mit dem Altar.



Nun steht verzeichnet die ander figur des Sals /
mit der außladung und zweyen dischen:



**Folgt war zu diese figur mit der aufkla-
rung vnd zweenen dischen dienlich.**

Vnd aber zu eym Pancket / wirstu dienlichers oder ge-
schicklichers nit finden / dann diß negstgenante figur / dann da hastu
ähnlichen platz an jeglichem dische / an drien ortten personen zumalen. Vnd
ob dich lust / magstu bei die cuffersten zwen doppel fenster so inn die ründe
gestelt / auch aneynen disch / an allen vier ortten mit leuten (nach ihrer gröf-
se / wie sich des endserfordert) besetz / vnnnd dannoch von beyden thüren he-
rein / anträger oder essenträger / malen. Wiltu auch die plätze des pfla-
sters oder bodens noch lenger haben / damit du bestimm personen darinn
bringen möchtest / so magstu wol den puncten vmb eyn vierdten theil des pla-
tzes / so inn diesen figuren obwendig des puncten vnd der figuren / gefunden
wirdt höher übersich rucken / vnnnd doch den puncten schier amende des ey-
nen ortes lassen / hat mich aber nie wol stehn bedacht / wie wol dergleiche bei
künstlern funden. Etlich auch / welche grosse scheinliche bild in jren figuren
vnd geheusen haben wollen / die gebrauchten sich des / daß sie ein bane in die
selbig geheuse malen / darumb vnd auß der vrsachen / so ein bane darinn er-
zeichnet würde / vnnnd nit anderhalb des bilds / höher hinuff an
die bane platz were / wurd es für spötelich geacht / vnnnd ge-
sprochen: Sehent grosse personen inn ein kleynen
geheuse. Vñ darumb sag ich / daß alle ding beuor
inn des Malers sin / zu höchsten bedacht
wollen sein / damit sich eins dem
andern vergleich / vnd spart
vil außwischens /
welchs ver-
drislich
ist.




Diese figur eyns Schloß/ist volgen-
der massen gemacht.




Vn ist diese figur eyns schlosses (oder ob man
will burgerlicher heuser) darumb alher getruet / ob eynem
maler gelieben wolt / Leute / die sich in eym hofe oder gassen /
empfehen oder wilkommen heissen / zunalen / vñ dan andere
so zunsenstern heraus / oder Übergang abhinschen / dz mag
meins achtens mit wol geschicklicher / dan bei vñ neben solchen oder der-
gleichen heusern (so von anderen formen vñ gestaltmussen / doch durch eyn
seiten puncten / wie diese figur / gericht) angezeigt vñd vff gerissen werden /
dan diese figur hat in jr / fenster / gänge / gaubfenster / die man auch wol auß-
ladungen oder creern vergleichen möchte / darzu einen gamig aufwendig
des thurns / also das viel personen / in vñ vff dieselbigen / zusambt denen so
hinden vff dem pflaster / des gleichen vnder die gänge / vñ in das vnderge-
heuse gesiet / vñ alle proportionirlich nach rechter lenge / vñ wie sich das
dem geheuse nach erfordert / gemacht mögen werde. Nun ist die abtheilung
der seculen erstlichen durch eyn pflaster / doch alles mit blindstrichen (one dz
pflaster so man oben in geheuse hat bleiben lassen) begriffen vñ abgetheyle
worden / wie hieuo: in andern figuren mer angezeigt / vñ darnach dz überig /
so durch blindriß gemacht / außserhalb dessen so nach anzeige diser figur hat
sollen in geheuse stehn bleiben / alles außgewischt. Des gleichen sindt auch
alle Capitäl vñ tragsteyn sambt iren gesimsen / vñ zwischen den tragstey-
nen die gesims / sambt den obern seulen vñ iren Capitäl / alle dem puncten
nach / gericht / wie hieuo: genugsamlich dauon geschriben. Du magst auch
auß diser obgeschriben figuren mercken vñ abnehmen / wider was fläche oder
breyte / eyner so vnden vff dē boden steht / vnder sich oder über sich sehen mag /
dieselbige breyte muß man in gemälde anzeigen / als die obern gsim / die Ca-
pitäle / die tragsteyn mit al iren gsimen / vñ was der gleichen ist / die weil ey-
ner / der hie vnden vff dem boden steht / vnden darwider vñ nit daruff sehen
mag / so werden ire breyte vnderwerts vñ oben herab sich lerend / verkeh-
ret / vñ die Pedestal oder Postament der obern seulen vff den tragsteyn / wel-
che mā vnden / so man vff in boden sieht nit sehen kan / die können auch hie nit
angezeigt werde / dan so man den puncten recht braucht / gibt er selbst solchen
verstand / durch die hängend lini / dz man solche Pedestal oder fuß der seulen /
vor dē herüber gehenden gsim nit sehen mag. Aber die vndern gsim / der vn-
dersten fenstern / zwischen den seulen / sol man ire dicke vffwarts vñ nit vnder
warts anzeigen / dan daruff mag man sehen / so man vff dē boden stiet / vñ di-
ser lere muß man sich mit fenstern / dāren / schäncken / vñ dergleichen / allwe-
gen halten. Ist wann auch ein Maler / ein streichens oder reißens / vor ein gheu-
se haben

se haben wolt/so müß inn solche kleine formen / keyn seiten geheuß gemacht
 werden/sunder alles gegensichrig sein/dañ die reñer vnd stecher / erfordern
 bryete der figuren vñnd nit die höhe / sunst so man cyn seiten geheuse macht/
 so würde des cynen stechers oder reñers pferdt/gar nahe an die wandt kom
 men/vñnd nit viel materi inn den platz / zwischen oder für die seitten geheuse
 bracht mücht werden.





DEn Schnecken oder Windelsteg (wie man solchen nach
 ieglicher landes art nennet) zumachen: So reiß zum ersien das ge-
 heuse/ darinn du solchen schnecken oder windelstiege haben wilt/ vnd an wel-
 chem ort der windelsteyn seyn sol/ da reiß zwo halbe zirkel linien/ mit blind-
 rissen/ die übereynander gehn/ darnach so reiß zwo richlinien von der breyte
 neben eynander stendig/ so dick du die mittel seul der windel tröpling haben
 wilt/ darnach so reiß die höhe der tröpling alle/ eyne nach der andern inn der
 zwerche/ mitt ihrer höhe vnnnd holzelen/ biß der oberst tröpling/ als nahend
 an die zirkel lini kumpt/ daß du feyn tröpling mehr also stellen kanst/ dann
 so verzeychne die höhe der tröpling/ daß sie den ersten in ihrer höhe gleich köm-
 men/ vnnnd dann die dicke des überhangs/ alles eyne nach der andern/ also
 lang du platz biß an die mittel seul hast/ darnach stell dem richscheid auff rich-
 lichen eck/ es sei inwards oder außwards/ vnnnd vff den puncten des vndersten
 halben zirkels/ reiß eittel linien/ so sichstu vnden die holzele biß an den zwen-
 ten oder dritten trepling mit/ vnd darnach wirdstu sie lenger ic bas se-
 hen/ vnnnd also thū ihme so lang du scharpffe eck hast. Dann so
 stell dein linial oder richscheidt auff den obern puncten/
 des obersten halben zirkels/ nim die breyte der vn-
 dersten trepling/ vnd thū als manchen riß/
 du zirkels weise gehalten magst/ so wirt
 es eyne form vnnnd gestalt/ nach an-
 zeyg der hie nachgetruckten
 Figuren.

Du wirst auch sehen inn volgender figur / wie das gerüst
 oder rüstholtz/ alles nach dem puncten gericht ist/ doch vnden mit nach eynem
 pflaster abgetheilt / sunder schlechts nach wol gefallen: Vnd die rüstholtz
 so auß der mawien gehn / die sollen alle durch zwerchlinien/ aber die
 langen seiten hölzer durch hangend vnd übersichgeende linien
 gerissen werden. Es ist auch die Leyter sampt ihren
 sprossen / alles nach dem puncten gericht
 worden. Desgleiche die zwen steyn/
 so vff der erden leigen/ mit ihrer
 breyte vnnnd dicke.



Er nach dem seiten puncten ist diß vnaußgemacht ge-
 heuse genommen / vnnnd ihme in allermassen gethan worden / wie hievor
 bei der rechten quadratur angezeiget ist / darumb vorn vnnnden / hie weiter
 meldung darvon zu thun / darumb es allein zu einem wolstande / vnnnd das
 man te gern allerley in diesem büchlin anzeigen welt / gemacht ist.






Von den zweyen puncten / wie vnd
warzu die zugebrauchen sindt.

Rechter magstu cyn geheuse / das am eussersten ende
breit sic / darinn man viel personen stellen möge (als ettelich sunderlich
überheuffen) mit machen / noch dienlichers darzu brauchen / dann zwey punct
ten müstu inn gleicher höhe stellen / auch inn gleicher aufmessung auff den set
ten / also das die breyte der sonnen / inn drei gleich theil getheylet werde / ig
lichs eusserst theyl vorden puncten / vnd dan so stell den puncten das er inn
der mitte der abtheilung stand. Wiltu aber die platz vnden im pflaster
noch grösser haben / so ruck die puncten auff den seiten / cyn drittentheil ihres
platz oberwarts / übersich / so gibst du dem pflaster zu / vnd benimbst der büne
darnach was die seit hat / da richt igliche fenster / bänck / schänck / düren / disch /
oder außladung / nach dem puncten / so vff irer seiten steht. Aber weis du vom
pflaster oder bünen hast / da sich die übersich oder hangende linien / den punc
ten nach / zuviel über ort zihen wollen / so miß den platz / der zwischen den zwey
en puncten ist oder bleibt / in gleiche theil ab / vnd mach kleine stüpln / deßglei
chen so sollen one das / das pflaster vnden abgetheylet sein / in vngerade seyn
oder plätz / vnd inn gerade linien / wie in vorigen figuren gemelt wirdt /
vnd was der vndersten abtheilungen nach rechter proportz sich
schicken zu den puncten / die richt alle den puncten nach /
aber die übrigen außtheilungen richt zu den stüpl.
lin zwischen den zweyen puncten ge
macht / so wirdt es in aller
massen wie du an der
obengesetzten fi
gur findest.



Auch damit der kaffer diß Büchlin / deßer baß
 sehe / wie sich ein solch geheuß / mit seinen bildnüssen / in ein sol-
 che form gestelt / schicken wölle / so ist die obgesetz figur herzu ge-
 druckt worden / aber man hat den plazen vff den seiten vil mehr
 genommen / dann in der vorigen figur deß saltz vnd gartens / vñ des willen /
 damit man deßer mehr bildnüssen vnd materi hinein bringe.




S Dithet vmb zwoerley vrsachen willen/ist diß geheuse in
 diese perspectiua gerissen. Erslich darumb/so eyner cyn vnaußge-
 macht wandt/von quader steynen reissen wolt/welche gegensichtig were/so
 muß derselbig erslich alle viereckete eck/so gegensichtig/vnd alhie ganz weiß
 gedruckt oder gerissen seindt/ganz aufreissen/vnd darnach so sol er das lini
 al oder richtscheide vff alle eck derselben vierecketen seyn setzen/sie seien un-
 warts oder aufwärts/vnnd von iglichem ort eynen blindriß zum puncten
 thun/darnach was blindlinien vonn den eussersten ecken zum puncten ge-
 fürt seindt/die geben die dick der steyn/die sollen/wie dick mann sie haben
 will/mit vffrechten linien abuerzeichnen sein. Aber was die fläch vnd bichte
 haben soll/das wirt mit zwerschlinien abgerissen/vnd bleibt vnuerstattiret/

aber die höhe zwischen zweyen seyn/wirt von den innersten ecken des kürzeren seyns genommen/ auch mit blindlinien zum puncten zu/ vnnnd wo die in ihrer dicke erwinden/ sollen mitt richtlinien verzeichnet sein. Was auch von seynen hierin gerissen/ die seind formen zu/ in ihrer höhe vnd breite von erst gerissen/ vnnnd darnach von allen ecken/ blindlinien biß zum puncten zu geführt/ wie lang du dann die seyn haben wilt. vñ das sie erwinden sollen/ dahin mach deine zwerech lini/ aber die holen ond schinthalen in den seynen/ inn dieser figuren gerissen/ sindt nach wolgefallen/ vnd sunst alle seynart vnnnd winkelmaß/ alles nach dem puncten gemacht. Was auch von borten oder brettern/ oben vffs gerüst gelegt/ die sindt erslich hinten von ihrer breite vnd der dicke/ wie den reisser gut bedaucht hat/ gerissen/ vnd darnach in die lengde/ mit ihrer dicke vñ breite/ zum puncten zu/ durch blindlinien geführt. Die ander versach warum diese figur hierin gesetzt/ ist/ daß man allerley finden vñ haben mög.

Bemerkken / wollt etwo eyn Maler zimnerleut reissen/
so ist diß nachuolgend figur darumb gerissen/ damitt es sein form vnnnd rechte
proportz/ nach der Perspectiua hab/ daß an diesem auffgeschlagenem baro/
merkstu wol/ war wider man oben sihet/ muß man die dicke vnden zu anzei-
gen/ vnnnd waruff man sihet/ muß man die dicke oben anzeigen/ vnnnd
doch daß sich alle seiten zum puncten zu verlieren. Es sind auch
hie alle beßel/ winkelmaß vnd art/ auch andere gedreug/
samt den spänen/ allen nach dem puncten gericht/
des gleichen die zimnerbänder von ihrer di-
cke vnd standt/ auch die barohölzer
so zuwerck gelegt sind.



In allerley anzeig willen/hat man dise Bruck so schlech
 te außschein gemacht ist/vonder Stat pforten angeende) hicher ge-
 stellt/vnd solt sie also reissen: Nach cyn puncten/nah vnden ans end/zwil-
 schen den einen schwibogen/vnd als weit du die schwibögen haben wilt/so
 reiß sie erstmals mit einem halben jirckel riß/darnach so ruck den jirckel off
 seit/also ferr/als du die dicke des schwibogens anzeigen wilt/vnd laß doch
 den jirckel in der weite wie er vorhin gestellt ist gewesen/doch das er mit sei-
 nem steigen/ dem ersten in der höhe gleich komme/vnd thû ein riß von oben
 der ründe herab/so wirdt der schwibogen nach rechter art/des gesichts vnd
 perspectiue/oben spitzig schmal/vnd vnden/nach seiner geordneten dicke/
 bicht. Darnach setz dein linial off jeglichs ort/so hoch du die quaderstein von
 dicke anzeigen wilt/thû eitel hangende liniensstrich/so verlieren sich die stein
 nach rechter perspectiuischer art. Vnd die viereckete Thürn/vnd die maw-
 ren/auch ihrer fenster höhe/müssen alle diesem puncten nach gericht wer-
 den/so wirdt die Bruck gestalt wie hienach verzeichnet.





So nun von eyner schlechten Brucken geredt / wöllen
 wir hie cyn erhabne anzeygen / an der erstlich die ober ründe / mit dem
 zirckel gerissen / wiewol der zirckel riß nit gar gehalten / dannes sich zugar inn
 die höhe erheben wolte. Auch hat man zu den zweyen schwibogen / zwent
 zirckel riß / mit ihren sunderlichen puncten darzu disenlich gerissen / vnd so dick
 du den schwibogen anzeygen wilt / se verruck den puncten des zirckels / doch
 laß den zirckel inn seiner gestellten maß stehen / so spitzet sich der zirckel oben
 inn schwibogē / darnach stell cyn puncten in die platz des schwibogens / wohin
 du wilt / nim cyn seit des schwibogens für dich / theyl ab hinten die breyte der
 steyn / vnd vff iegliche theylung vnd den puncten / so du am letsten nit zum
 schwibogen / sunder deins gefallen gestelt hast setz dein linial / mach über sich
 vnd hangende riß / so lang du dicke des schwibogens hast. Vff der andern
 seiten (wiewol die ordnung inn dieser figur nit gehalten) theyl aber die dicke
 der steyn inn souiel theyl du wilt / thū wie vorn andern schwibogen gemelt.
 Also thū auch mit dem mitlern joch / so werden alle ding recht gemacht:



Perspectiuſche landſchafften / welche die ſelt vff jnen ha-
ben / in ein ſelten puncten zubringen / wie ab hienor getruckten figuren
zuuermercken iſt / wieuol nit ſunders daran gelegen ob etwo cyn gebirg über
das ander reycht / doch ſicht es daimoch hierlich / daß ſich das gebirg nach
der ferre verkleynert / vnd damit die ordnung der perspectiua gehalten werde /
dahin geachtet / daß man einen puncten mach / vnd das limial zungſt bei dir /
ſo hoch geſetzt werde / als dich dunckt das negſt gebirge bei dir / ſein höhe ha-
ben ſol / vnnnd zugleich erweiſe vnden auch / von dem ſorderſten ort an / da des
gebirgs fuß windet / vnd alſo von beiden enden vnden vnd oben zwo blind-
linien geriffen werden / da kynn gebirg dieſelbigen inn der höhe überſchreite /
deßgleichen vnden mit jhren füßen fürſchieß / ſo verliern ſich die gebirg gleich
den geheuſen / wie ab den figuren hierinn geſtelt ab zunemen.

Hernach volgen etlich Regulen / wie man

geheuſe vnd ihre ingehörde / one pun-
ten auch machen mag:


AMerſten / ſo du cyn pflaſter inn ſein triangel plaß
gericht / vnd vnden wieuol du vngerader ſteyn haben wilt / ab
getheilt haſt / wilt du dann die creuklinien / ſo man zu der bichte der ſteyn brau-
chet / one den ſirkel abmeſſen / ſo thū jhme alſo / ſetz dein richtſcheidt an das
ein vnder eck / welchs du wilt / vnd far hinuſſ zu dem Triangel mit dem richt-
ſcheidt / ſo hoch du wilt / vnnnd dich beduncket / nach dem du die ſteyn gern bicht
oder ſchmal haben wilt / vnnnd thū einen blindtriß / darnach theyl dem augen
meß nach / die geriffne blindhalb creuklini / in mittel des mittlen ſteins in ein
gleich halbtheyl ab / vnd daſelbſt mach ein pünctlin in die mitte der linien /
darnach ſo ſetz dein richtſcheidt vff das ander vnderſte eck / vnnnd
den puncten / ſo thū in die mitte der halben creuk-
lini gemacht haſt / vnnnd thū aber ein riß ſo
wirdt alſo wol ein creuklini
drauß / als durch den
ſirkel.

Eyn regel zu den Seulen vnnnd Balken / auch den Trag- steinen.

Noch off eyn ander maß dann hievor dauon gemelt / ist die abtheilung der Seuler vnd balken / von ihrer dicke vnd größe / auch der platz zwischen ihnen / one inachung des pflasters / doch nach gerechter massen zu machen / vnd halt dich dieser regel: So groß du den ersten Balken oder die erste Seul machest / so brich dem zweyten Balken oder der zweyten Seulen eyn drittheil ab / vnnnd dann so brich abermals dem dritten Balken vnnnd der dritten Seulen auch eyn drittheil ab / also daß sie ein drittheil schmaler werde dann die negst vor ihr / das thū souiel du Balken vnd Seulen haben wilt / vnd gleicher gestalt thū mit der platz / zwischen den Balken vnnnd Seulen. Nach auch die zweit platz zwischen dem zweyten vnd dritten balken vnnnd seulen / eyn drittheil schmaler dann die erst platz ist / so verlieren sich die Balken vnd Seulen / vnnnd ire platz darzwischen / nach rechter proportionelicher art / als wol / als ob du ein pflaster gemacht / vñ den Steynen nach außgerechnet hettest.

Eyn regel die Seit belangend.

Al allzeit acht / was gegen dir gegensich tig ist / oder dar wider du siehest / sol alles mit vffrechten vnd dwerchlinien gerissen werden. Was aber die seit hat / es seient geheuse / stül / disch / tisten / schänck / bänck / fenster / capital / gesims / läden / düren / dräpling / seulen / füß / tragstein vnd schornstein / das muß alles durch vffrechte vnd hangeude / auch übersich gehnde linien / gerissen werden / vnd waruff man siehet / das muß durch übersich gehnde vnd dwerchlinien gerissen sein / wie das auß volgender figur der disch / stül tisten vnd bänck / zuuerneuen ist.




Vn solches kanstu an diser Figuren wol abnemen / daß die fordertheyl der Dische / Kisten / Stül vnd Bäncke / von erst gerissen sein müssen / vnd was darnach die seite hat / das muß man von allen seiten (sie seien vnden oder oben) zum puncten zu richten.

Negel zu Seulen vnd Kragsteynen.

Zem / wann du Seulen inn eynem geheuse / daß sie die Kragsteyn bereythen / machen wilt: So müssen inder bänen als wol / als in pflaster / steyn gerissen werden. Vnd souel steyn platz du zwischen den seulen nimmst / alsouiel steyn müstu auch zwischen den kragsteynen lassen / doch so die kragsteyn gemeynlich schmaler sindt dann die pedestäl oder füß der seulen / so buch dem obersten steyn / dahin die kragsteyne verzeichnet werden / eyn drittheyl ab / also / daß zwischen zweyen kragsteinen drei steyn / vnd eyn viertheyl eyns steyns bleib / vnd vnden zwischen den seulen drei stein platz / so werden alle ding gerecht / vnd wie sichs erfordert.


**Regel zu holen fessen/ den Schencken
vnd Fensteren/ auch den Dären
inn diecken mawren.**

Next wann du zwo richtlinten hast gerissen/ mitt deren
du die dicke der mawren oder wandt von den Fensteren/ Dären/ Ses-
sen/ auch die dieffe der holten schänck inn den wänden anzeihen wilt/ so müst du
dann vnden vnd oben an iglichem end cyn überzwerch lini reissen/
die mit a vnd b auch c vnd d verzeichnet sindt/ als hieneben sieht. a b
Darnach/ so du die oberst vnd vnderst dicke auch reissen wilt/ so
stell dein richtscheidt vff den puncten vnd das a/ thü eynen riss/ vñ
darnach wider vff den puncten vñ da b steht/ wirdt daraus die
ober dicke der Fensteren/ Dären vnd schänck. Weiter so thü jm
wie ihgehört/ mit c vñ d auch/ so kennst du vnden die breite oder di-
cke der Mawren/ Fensteren/ Schänck/ Dären/ vnd der fessen bei
den fensternen an/ wo du dann wilt haben die fesse vor den fensternen
erwinden/ dahin mach cyn überzwerche lini/ daß wirt es gerecht/
vnd kommen alle ding nach der proportz vnd ordnung.




S Ann du obere gesims in geheuse machen wilt /
 vffwelche man Seulen stellen oder malen wolt / auch Seu-
 len dardunder bis vff das Pauiment reichend / vñ das solch
 gesims ein überhang hab / oder ein gestallt gewinne / als ob
 es oben sich herüber biege / so halt dich dieser lere: Reiß am ersten den rech-
 ten kragstein / der die obern Seulen tragen soll / oder vff den du die obern Seu-
 len machen wilt / mit seinen gesimsen / stab vnd kelen / auch bieglind ein gefal-
 lens / formen zu / das es ganz gegensichtig ist. Darnach reiß von allen ecken /
 sie seien inwards oder auswards / hangend blindlinien / bis zum puncten / wo
 du dann hinten am ende des ersten kragsteins / oben erwinden bist / da mach
 oder reiß auch ein blindlini bis zum puncten / darnach wo du den zweyten
 kragstein haben wilt hinten erwinden / da reiß ein blind vffrechts rißlin / wel-
 ches hie mit rot verzeichnet worden / vnd von dem eck an / da das recht rot riß
 lin vnd die euserst rot hangend lini übereinander gehen / da reiß den zweyten
 kragstein in rechter winkelmess zwersch / bis an die oberst blind herab gehnde
 lini / darnach so reiß alle riß mit linden kolen oder blei / souiel der erst kragstein
 in der zwersch vnd gegensichte hat / es seien von stab oder kelen / daß die alle /
 bis an die hangend rot linien / erstmals zu ihren gleichen gerissen / reichen. So
 du dann das überhangend gesims auch machen wilt / so brich den ersten zwei-
 en zwerschlinien ein drittheil ab / für die oberst dicke des gesims der zweyten di-
 cke / benin halb souiel / vnd wo du meer gesims machest / aber halb souiel als
 des negsten / vnd reiß dann die vorigen zwerschlinien bis zu ihren gementen ab-
 theylungen mit schwarz / darnach so las den vndersten stab ein wenig vor / daß
 recht rote rißlin fürschleffen / vñ das gesimslin vnden daran auch ein wenig /
 vñnd so dis alles also gemacht ist / so thū im eben also mit dem dritten / vierden
 vnd fünfften kragstein / souiel du dann deren hast / darnach so stell dein richt-
 scheidt vff den puncten vnd die innersten abgetheilten rißlin der kragsteine / vñ
 mach ettel rißlin von einem kragstein bis zum andern / so werden daraus ge-
 sims wie getruet vñnd angezeigt ist. Vnd so du von allen scharpffen ecken / sie
 gehn inwards oder auswards / linden reissest / so gewinnen das gesims / vñnd
 was die seit haben soll / allemals wo in der zwersch vnd gegensichte / zwei lini-
 en fundt / drei linien / also das die drit lini / die vnder breyte der gesims (wie vor
 die überschleffenden) anzeigen thūn / aber der stab in kragstein der gesims
 zeyt kein sundere breyte an / das macht die runde / was aber scharpffe eck hat
 das muß auch vnden ein breyte haben. Vnd diese leer sei auch von allen Ca-
 pitälē der seulen vnd gesims vff dāren vñ schācken / gesagt / daß was solche
 gesims hat / muß alles also gehalten werden.

Nun wirdt angezeygt/wie man die Stände
der menschen / auch die antlizer / auß dem
ablengeten pflaster nemen soll.



Alle angesichter so gegensichtig sein sollen / werden
geschicklich nach gestalteyns eyes formirt (dann ein ey ist oben
runt vñ weit / verleuert sich selten in eyn gehe spitz / sunder eyn
sauffter rände / es weren dann brenst feyste antlizer / die werden
fast in eynre breite vnden vnd oben gerissen / dñ heysen aber nit proportionirte
antlizer / sunder diese haben den namen / welche nach wolgeschickter art pro-
portionirt sindt. So du nun die form eynes antlitz machen wilt / so reiß vorn
erst die gestalt des Eyes / wie vor gehört / sol daß das antlitz gegensichtig sein /
so reiß in der mitte durch auß die lunge herab ein ganz wenig gebogen riß / vñ
darnach in der mitte so reiß eyn überzwerchen riß (alle beide mit blindrissen)
daß der überzwerch sich auff beyden orten / ein wenig zu berg zihet / darnach so
verzeichnen in denselbigen zwerch riß / in die mitte / zwischen dem mitteln her-
abgehenden riß / vñnd dem eussersten runden riß / die augen / darnach so theyl
das ander theyl des angesichtes ab / wie hernach volgt: Das zipflin der na-
sen verzeichnen inn die mitte auff den herabgehenden riß / zwischen dem zwerch
oder creutz riß / vñnd dem vndern spizlin des runden riß / zum gangen antlitz
gerissen / vnd dasselbig vnderst spizlin gibt dir das kinne. Darnach theyl ab
das mittel zwischen dem nasen zipflin vnd dem kinne / zu dem mund / vnd diß

wolde alles von wol proportionirten angesichtern gemeynnt. Aber da die na-
 sen biß vff den obersten lefftzen des munds/vñ die vndersten lefftzen weit zum
 kinn hinab reichen/das werden nit proportionirliche anlitzer / sunder nach
 einfallen der Maler gemacht/oder ob man ein bild abcentrosetten wölt/dem
 sol man inn aller art (wie manden menschen so abcentrosetet wirdet / findet)
 nachuolgen. Aber zu einem seiten angesicht / muß der unterer riß vff die seit/
 ein drittheil seins spatiums/geruckt werden. Das aber gantze seiten anlitze
 sein sollen/also daß man nit meer dann eyn aug/eynen backen/vnd die halbe
 stirn/schen sol/sonn für dich eyn mitten gebognen herabgehenden riß/vnd
 theil sein mitte mit eyn halben überzwerchen riß ab / darnach stell das aug
 vff solchen überzwerchen riß/daß es nit zufer von der nasen sei dann zu eyn
 gantzen seiten anlitze/pflegt man wenig spatiums zwischen dem augen vnd
 oben von der nasen zusehen/vnd dann verzeichnen das tipplin der nasen/ zum
 halben spatio/zwischen dem überzwerchen halben riß / vnd dem vnderen spitz
 lin des kinn/vnd dan in dem mittel des spatiums/zwischen dem kinn
 vnd der nasen/verzeichnen das mittel des munds/zwischen bey-
 den lefftzen. Es werden auch die überschehende anlitzer
 auß der quadratur/vondem ablangeten pflaster ge-
 nommen/wie man eyn solchs auß der obgestel-
 ten figuren sehen mag/welche darumb
 hicher gestellt/damit man eygent-
 lich sehe/wie die creuzlinien
 auß der perspectiua
 geordnet sindt.



Wes ist diß vorgezeichnete figur / darumb hieerein gestellt / vñ
 durch zweierley vrsachen willen / einedeshalb / damit du siehest wann
 du vbersichtige antlitz haben wilt / so mustu ein gestalt des antlitz reissen/
 oben breit / vñ ein wenig abgeründet / darnach sich vnden ein wenig spitzen.
 Vñd sol es dann gantz gegensichtig sein / vñd doch übersich schepd / so müstu
 in der richte / eyn gelegne lini reissen / vñd die überzwerch lini / inn welcher die
 augen verzeichnet werden / auch eyn wenig vñdersich gebogen / dann gemein
 lich so eyner übersich siehet / kan man ihme wenig der stirnen formen zu / aber bei
 seits bas / sehen. Vñd zu dem gantz gegen vñd übersichtigen antlitz / verzeich
 nen inn der mitte der zusamen kommenden creutzlinien / das vndertheil der
 nasen / vñd die naslöcher. Desgleichen sol man die vndersten augglider /
 mehr dan die obersten augglider anzeigen / vñnd den obertheil der lefftgen /
 dann inn dem übersichtigen antlitz / werden alle vñdere ding / mehr vñd gröf
 ser angezeygt / dann inn den richt angesichten / wie das alles klärlich inn der
 figuren hieoben angezeyt. Aber zu dem übersich vff seit gerichtten antlitz /
 da müstu den gebognen mitlen strich / inn welchem / nase / mund vñnd kinne /
 verzeichnet werden / wol vff die seit rucken / dahin du gern das antlitz sehend
 haben wilt / also / das zwischen dem cuffersten begriff des antlitzes / vñnd dem
 mitlen strich oder lini / wenig platz / weitter dan zū den augen / überbleibe. Dar
 nach so reiß den gebognen creutz strich oder lini auch wol hinuff an das ende /
 also das vor die stirn / das drittheil des gantzen begriffs vom antlitz / abgeris
 sen werde / darnach so reiß das cufferst auge / gantz nahe ans ende / dahin das
 antlitz sehen sol / in den creutzstrich / vñd das ander wie dich bedunckt / das es
 die notturfft erheysche / darnach verzeichnen die nase / inns drittheil zwischen
 dem ende des cuffersten freyß vñd dem creutz oder überzwerchen riß / vñ so es
 die seit hat / vñd man an eyniglichen übersichtigen / vff seit gerichtten antlitz /
 die nase zum halben theil siehet / so müß sie auch also verzeichnet werden / doch
 das man vnden in die naslöcher siehe / vñd auch ein lenge / oben inn ihrer höhe
 hab / welches mit dem gantz gegensichtigen antlitz nitt beschicht / dann der vff
 wurff des spitzlins der nasen / vñ die naslöcher / bedecken die lenge der gegen
 sichtigen nasen / vñ dann der munde / das solcher in die mittele platz / zwischen
 dem ende des cuffersten begriffs / des antlitzes vñnd der nasen / gerissen wer
 de / also / das man gantz die dicke des vñdern lefftzes sehe. Es müssen sich auch
 die obern augglider verkürtzen / vñd die vñdern gröfser vñnd merher dann die
 obern / gerissen werden. Desgleichen müssen die augbrahen / vñd die ober
 dieffe / zwischen den augen vñd augbrahen / dapffer vñnd stark gerissen wer
 den / alles nach außweisung obgesetzter figuren.

Vonder gliedmaß der Bildnuß.

BEI vielen Malern / wirdt gar wenig die rechte proportz der gliedmaß (aus vnwissenheit) gehalten / darumb mich bedauere hat vnnöthen sein / seitmal von allen möglichen dingen / so aus der Perspectiua / zum malen / bildhawen etc. gebraucht werden / meldung beschehen / daß der proportz vnd gliedmaß auch etwas bericht vnnnd lere gethan werd / damit zusürkommen / die grossen antlitz / so ich etwo inn gemälden gesehen / die sich den leiben oder cörperen der bildnuß nicht hetten vergleichen mögen / dergleichen die händ vnnnd füß / die der geringen gliedmaß an den bilden vngemeß / dieselben nimmer also / sunder um rechter proportz zumachen. Ersilichen nach gemeynem brauch / so wird inn gemälden das angesicht oder antlitz zum ersten sürgenomen / die handt sol nit breiter sein dan das halb angesicht / von der nasen biß an das ore. An mans personen / die achseln breyt / die weyche dann. An frauen leuten / sol der leib zu der weyche / gleich den manlichen leiben / nit spitz / sunder vndenwendig den brüsten biß vff die hüfft / inn gleicher breyte oder schmale gemacht werden. Der halß sol sein der handt breyt lang / vom kieffel anzurechnen / vff der seiten zu / fomen zu anzurechnen vom kinne biß inn das halß grüblin / vom grüblin anderthalben (dero gliedmaß) schülhe biß an die weyche oder den gürtel. Der einbogen sol biß an die hüfft reichen / vnd ob sich wol der arm zu berg oder über sich erhebet / dannoch sol er soviel lenge haben / als sich biß zur hüfft erfordern möcht. Der ober schenckel biß vnder die kne scheiben / sol handt breyt lenger sein dan der vnder schenckel vñ der füß in irer lenge vnd höhe. Der füß sol so lang sein als das angesicht vnd der ganz kopff. So aber verkürzt stände gebraucht werden / wie in der figuren angezeigt / dann muß man irer verkürzung / die das gesicht zuwegen brünzt / nachgeben / also / das etwo der füß so gegensichtig gestellt / mit über halb angesichts lenge hat / etwo eyn wenig lenger ist / zuzeiten auch vil kürzer / dan ie gegensichtiger vnd erhabner man den füß haben will / je kürzer das er auch vff dem reien wirdt.

S werden auch die Ständ der füsse / auß dem Paut-
 ment genommen / dann wie die figuren mitten oder am ende stehend/
 demnach müssen auch die füß gericht werden/dann stehen die figuren am end/
 so werden die füß dem pflaster nach/vffseit/gleich ein wenig hinder sich sehen
 de gemacht/vnd die forder theyl oder gegensichte der füß / mit eynem geraden
 oder zwerch riß oder lini / gerissen / vnnnd nit das sich der füß am ort zu berg/
 vnd somen mitt der grossen zehen herab zihē. Steht auch der füß schräber
 ort / so erfordert das der wade mit wol außgebognem riß / außwendig des
 beyns / biß vff den enckel angehenget werde / vñ inwendig allcyn mit eynr kleyn
 nen rānde / deßgleichen der innerst enckel auch ganz kleyn vermercket
 sei/vnd sol sich der innerst theyl des füß / vnden wol über ort zi-
 hen/so wirdt es proportionirlich gemacht. Kommt aber der
 stand wol in die mitte des pflasters / so wirt sich der
 füß nit so fast über ort zihen/dan so werden die wa-
 den mit einem sanfften er boggen riß / biß vff dā
 dritte theyl der schinen bracht/vnnnd dassel-
 big drittel theyl ferrer hinab inn eynr
 schmāle / biß an den reinn/
 vnnnd den enckel
 gemacht.

Hie nachfolget eyn figur wie die
 Menschen nach der lēge inn den
 puncten gericht sindt.



Uest diese figur hieher getruckt zusehen / wann du per-
 sonen inn cyn geheuse stellen wilt / das du sie nach der dieffe des geheu-
 ses / groß vnnnd klein machen solt. Vnd damit du figentlich die meynung
 versichst / so ist vnden / an der größten personen fuß / ein lint gerissen / vnd oben
 am kopff auch ein / die alle beid biß zum puncten reichendt / also das alle per-
 sonen / so in geheuse stehn / vnden vnd oben an solche linien rühren sollen / als
 dann verlieren sich die vossen nach rechter proportz / vnd werden nach der hö-
 he des geheuses / groß vnd klein / dann es stünd vnformlich solt cyn groß per-
 sone inn cyn kleinen geheuse steen vnnnd oben anrühren. Darumb so muß
 auch die figur der menschen / dermassen gestellt sein / das gemeynlich seiner leu-
 ge langt platz obwendig des kopffs / biß zu der bänen sei / so siehet es ge-
 schicklich:



Sdu cyn klummen den Le-
wen entwerffen wilt / kanst du inen nim-
mer besser dann inn cyn Andres creuz
mit blindlinien machen / daß in schren-
cken des creuzes die brust angehe / vnnnd
die ende des creuzes die füß vnnnd kopff
gebe.

Eyn Adler ist vffs fertigst zu
entwerffen durch cyn creuz mit
blindlinien gemacht / also / daß sich die
ende des zwerchstrichs übersich zihent /
das gibt die ründe oder vfftuung der flü-
gel.

Eyn Stechhelm wirdt ge-
schicklich durch cyn ligende raute
entworfen vnnnd inn sein gerechtigtseyt
bracht / wie die hic neben getruckte figur
dir zuerkennen gibt.

Deßgleichen cyn Thurnir-
helm / in zwo zirckel ründe / erst-
mals gestalt / das der forderste halb zir-
ckel für das öbersidach des Helms gee-
vnnnd das visier daraus inn sein form
bracht werde.

Folgt hernach cyn groß Bild oder Landschaft /
in cyn fleynere form / vnd herwidcrumb / die fleynen
inn grössere gestalt / nach rechter kunst der
Perspectiua / zubringen.



So ich nun im ersten theyl der abtheylung vnnnd capitel
 disz büchs/versprochen vnd zugesagt hab/ von einer kunst (welche
 bei den trefflichen Malern gar verborgen gehalten worden) meldung zu-
 thun/ soist auch billich/ dasz ich demselbigen nachkomme/ vnnnd mein zusage
 dermassen erlaute/ dasz ich lerne wölle/ so eyner eyn Bildnuß fünd/ das er
 gern drei/ vier/ fünff/ sechs oder acht mal grösser/ oder auch souiel fleynner
 dann er es gefunden/ doch eyner form/gestalt vnnnd anschens/ haben wölle/
 vnd dasz er möcht an eynem ort den kopff/ dort eyn füß/ da eyn hand/ dann disz
 dan ihens/seins gfallens machen vnd abmalen/ vñ doch alle ding/ so glichs
 also besunder gemacht/ sich zusamen/ vnd dem muster gleich zutragen. Dasz
 einer auch Landschaften in gemälde fürter gerecht vnd doch auch also ver-

theyl) abmalen / oder eyn rechte landschafft durch eyn fenster ab contrefect
 möge / so halt dich dieser regel: Für das erst / ist es eyn gemälde das du mit gem
 b: masen oder vntreyn mit kolen oder freiden machen wilt / oder auch mit dem
 zirckel durchlöcheren / so müstu haben ein dünne hölzene rame / die das ganz
 gemelde / so du abmalen wilt / begreiff / dieselbig soltu mit dem zirckel / inwen-
 dig in gleiche theyl / in ihrer zweyche abtheilen es sei in acht / neun / zehen oder
 eylff gleiche theyl / dan wiltu es grösser haben / so du dan mer abtheilung / als
 zehen / eylff / zwölff / dreizehen / in die muster rame machest / so es dir bas kum-
 met / wie du vernemen wirst / wilt du aber dein gemälde kleyner / dann das
 muster ist / haben / so ist es gnug ob du bei sibben oder acht theylen bleibst. Dar-
 nach so theyl die lenge oder höhe der ramen auch in gleiche theyl / als zehen /
 eylff / zwölff / dreizehen / vier zehen oder fünffzehen theyl ab. So du nun diß
 also mit dem zirckel in gleiche theyl abgestochen hast / so durchlöcher die rame
 in iglichem abtich / vnd durchziehe sie mit güten reynen gezwirnten sädemen /
 oder leime sonst sädem / vff die abtheilung / also daß es viereckete plätz / gleich
 dem pauuient gebe / bedunck dich dann / daß du es noch erkentlicher machen
 wöllest / so zih mit den federn / zuden vo-
 rigen eyn Andres creuz vñ eyn raut über
 das Andres creuz / wie hiebei angezeygt /
 so hastu die rame gerecht. Wiltu darnach
 die bildniß grösser das muster ist an eyn
 ort malen / so theyl (mit linden kolen) das
 ort in souiel theyl ab / mit dem andres creu-
 ze vñ der rauten / in aller maß wie die ra-
 me abgetheylt ist / darnach hefft die hölze-
 rame vff das muster / daß stedt ligen bleib
 vñ wo du das haube / hand / fuß / leib /
 achsel / knie / oder anders / es sei vff linien
 oder in spatio findest / so merck obs in halben oder drittheyl der lini oder spatio
 unns stec / also / wie du jedes ding in muster findest / es sei in der linien oder spatio
 demselbig nach / male es in dein vffgerissnen lini oder spatio / so du der ra-
 me gleich aufgetheylt hast / vñ gib dem gemäld souil spatio / am end da du es
 hin malest / nach seiner achtung / als dich dunck / daß es in der rame (da du es
 findest) an plaz hab. Also magstu den kopff vff seiner lini oder spatio / in sin
 fassen / ferrer in dergleichen lini oder spatio / so du mit den kolen gerissen / ma-
 len / vñ am andern ort oder spatio den fuß / vff der andern seitten die hande
 vñ also all andere ding / in welcher quadratur du sie findest / in der selbigen
 gleichen quadratur setzen / darnach fure dein haubstich von achseln / armen /



benennen/ vnd dergleichen dingen/ alles wie dich die rame/ es sei vff linien oder
 spatiz weiset/ so können alle ding gerecht. Also theyl auch das gemälsde/ in ein
 kleiner papir/ oder vff andere ding/ ab/ so du es vff ein kleineren platz
 machen wilt/ vnd dieses ist ein subtil bewert stück der maleri.
 Gleichertweise halt dich mit den Landschafftten. Vnd ist
 dir des alles zu besserem bericht/ die vorgesezte figur
 inn disz büchlin gestellt/ darinn du die abthei-
 lung der säden über den Landstrecke
 vnd Landschaftt/ klärlich siehest.

